


T 3143 / 3242.80



流寓

男子之生志在四方則夫懷故土緣鄉黨者固不足與發拘墟之見游照曠之域也豫處八方之中而陽城太室隄防若阿洛浦淇泉雅壤游沐古之高入達士有因宦游而卜築者有托知交而擇隣者一時高踪千秋佳事記載固未可畧矣人與地

流寓人重作流寓志

河南通志卷之三十一

塔佛大學漢和
圖書館珍藏印

流寓

男子之生志在四方則夫懷故土戀鄉閭者固不足與發拘墟之見游昭曠之域也豫處八方之中而陽城太室擅勝岩阿洛浦淇泉雅堪游泳古之高人達士有因宦游而卜築者有托知交而擇隣者一時寄跡千秋佳事記載固未可畧矣人與地宜地因人重作流寓志

開封府

漢崔篆

涿郡安平人兄發王莽時位大司空建武初舉篆賢良自以宗門受莽偽寵慚愧漢

朝遂辭歸不仕客居滎陽開門潛思著周易林六十四篇用决吉凶多占驗臨終作慰志賦以自悼

南北朝王由字茂道京兆霸城人好學有文才尤善草隸性方厚有名士之風又工摹

畫為時人所服杜魏歷給事中尚書郎東萊太守罷郡寓居潁川天平初元洪威構逆大軍攻討為亂兵所害時年四十三各流悼惜之

唐陳彛行字周道江左諸陳人世客潁川彛行第進士累官工部侍郎開成二年進同中

書門下平章事彛行介特與楊嗣復李珣言事相忤輒引疾求去帝遣使勞起之尋罷歸武宗立召

為御史大夫進尚書左僕射未幾以足疾乞還而卒

宋楊億字大年建州浦城人從祖徽之知許州億對授秘書正字終翰林學士億有別墅在陽翟母

往視之因得疾億請歸省不待報而行上親緘藥劑賜

畢士安字仁叟代州雲中人少孤好學事繼之母祝氏以孝聞母曰學必求良師友

乃如宋又如鄭得楊璞韓丕劉錫為友遂為鄭人乾德四年舉進士累官監察御史出知乾州以母

老請乃改監汝州稻田務淳化二年召為翰林學士景德初契丹入寇士安陳選將理財之策上嘉

納之尋拜平章事以病上章求免不許明年卒於官贈太傅中書令謚文簡

馮元字道平人三世事嶺南為日官隨劉鋹歸宋遂家開封博通五經舉進士累官國子直講真宗召講周易

泰卦元推君臣交感之義上大悅仕王旦字子明終戶部侍郎卒贈本部尚書謚章靖

父祐太平興國初以史館修撰知開封府因家焉旦舉進士累官至右僕射三遷至太尉天下稱為賢相卒謚文正

乾興初詔配享真宗廟庭墓在府城東三子雍國子博士冲左贊善大夫素尚書左

丞**范純仁**字堯夫蘇州吳縣人舉進士累官觀文殿學士以父仲淹三守潁昌純仁與弟

純禮尚書右丞純粹戶部侍郎兄弟並居於許及卒勅許洛官給其葬贈開府儀同三司謚忠宣

錢惟演字希聖杭州人父吳越工倣歸宋賜第開封因家焉惟演少有俊才累官兵部尚書

可百通志 流寓 卷之四十一 二

樞密使天聖中改崇信軍節度使卒于官贈侍中謚文僖所著典懿集三十卷從弟晃進士及第累官右諫議大夫易

韓億 字宗魏真定靈壽人徙雍丘墓其父保樞於許之長社遂為許人億舉進士為大理評事知永城縣有治聲累遷屯田員外郎知相州遷河北轉運使仁宗時除龍圖閣待制奉使契丹官至尙書左丞以太子少傅致仕卒贈太子太保謚忠獻八子綱綜絳維繹縝緯緇緇

蘇轍 字子由眉州眉山入嘉祐初人稱八鳳云與兄軾同舉進士崇寧中以朝請大夫罷居許州號

蘇過 字叔黨軾之子初軾穎濱遺老卒謚文定謫官汝州愛其地形勝類其鄉有終焉之志乃移書於其弟轍曰他日我死當葬於是後載卒於常州過遵治命遂葬於邾之小峨眉山遂家穎昌營湖陰水竹數畝名曰小斜川自號斜川居士過早以詞賦顯于時初監太原府稅次知襄城通判中山府

劉安世 字器之俱以能舉所著有斜川集二十卷魏人少為文彥博獎識既舉進士不就選從學於司馬光咨盡心行已之要尤告以自不妄語始調洛州司

法宣仁太后時擢右正言進諫議大夫未幾遷寶文閣待制樞密都承旨數有論諫章惇惡之初黜南安軍再貶少府少監三貶新州別駕安置英州同文館獄起蔡京乞誅安世讒雖不行猶徙梅州惇與蔡示蔣必置之死因使者入海島諷使過安世脅令自裁又擢一土豪為判官使殺之判官未至而斃乃免投荒七年凡遠惡地無不歷之蔡京既相連七謫至峽州羈管稍復承議郎卜居宋都宣和七年卒墓祥符後二年金人發其塚貌如生相驚曰異人也為之蓋棺乃去

元牟仁 廬州廬江人至元初阿木兵南下仁家為鬻為汴人李子安奴力作二十餘年子安憐之縱為良仁踪跡得母於穎川兄於睢州弟於邯鄲皆為役尚無恙乃徧懇親故貸鈔百錠歷詣諸所求贖之經營百計更六十年乃得遂大小二十餘口復聚居為良孝友甚篤鄉里嗟之大德二十年旌其家

明薛瑄 字德溫山西河津人父貞永樂中除鄆陵教諭時制郡邑乏科貢之士司訓者削職

貞憂之瑄於是補弟子員是年庚子發解河南明年登進士授監察御史手錄性理大全潛心誦讀深有所得著讀書錄正統初擢山東僉事提督學政遷大理少卿以平獄為王振所陷免歸已已起為大理寺丞尋陞南京大理卿天順改元遷禮部右侍郎兼翰林院學士召入內閣知制誥尋主考會試事竣轉左侍郎居數月見將臣石亨等亂政瑄歎曰君子見幾而作寧侯終日邪乃移告西歸卒年七十六詔贈禮部尚書謚文清成化初廷臣議從祀闕里弗果嘉靖二十三年用給事中陳裴議詔令鄢陵

宋禮字惟寅直隸大興人成化中進建祠祀之

身率物士類馴服尋擢按察使時逆瑾用事禮以不阿免官貧弗克歸寓居陳留作草舍一區玩易於中歷二十餘年日食或不繼有饋者輒謝弗受及遘疾屬其子曰塋縣東侯有力歸耐先塋語畢衣冠端

李夢陽字獻吉陝西慶陽人徙居大梁弘坐而逝

陽句景明倡為古文辭以變金元之習學者咸宗之時外戚壽寧侯張延齡怙寵驕縱夢陽乃應詔

陳言下錦衣衛獄項之詔復其官正德初逆瑾用事夢陽代韓文草奏劾之由是坐褫職瑾敗起江西提學副使褒獎義節訓正禮俗士翕然向風而與江西御史某以事相奏訐遂免歸大梁病卒所著有詩文集若干卷

空同子八篇行於世

歸德府

唐高適

渤海蓆人也少濩落不事生業家貧客于

侍郎轉散騎常侍加銀青光祿大夫進封渤海縣侯

宋田京

字簡之滄州人徙鹿邑舉進士累官兵部郎中知滄州拜右諫議大夫卒京喜論議

頗通兵戰曆筭之術為人尚氣節所著有奏議十卷

杜衍

字世昌山陰人少

第寶元中累官同平章事集賢殿大學士兼樞密使薦引賢士沮抑僥倖朝廷賴之慶曆七年以太子少師致仕寓居睢陽與侍郎王洙司農卿畢世長郎中朱貫馮平結社賦詩不干時事睢陽人敬

如著蔡繪像以傳皇祐中遷太子太保召陪祀明
 堂衍稱疾固辭進太子太師封祁國公卒贈司徒
 兼侍中諡正獻范仲淹字希文吳縣人舉進士少孤母適
 其異母弟朱姓者在寧陵後仲淹為廣德軍司
 理叅軍晏殊知應天召寘府學尋通判河中府徙
 陳州江淮京東大蝗旱命安撫之還以太平州民
 所食烏味草呈進出知睦州召還判國子監元昊
 反知延州分六將城清澗請建鄜城又修承平永
 平等十二砦改邠州觀察使城大順城築細腰葫
 蘆諸砦仲淹上書秦州委文彥博慶州用滕家諒
 元昊請和乃召拜樞密使除叅知政事後以陝西
 四路宣撫使知邠州徙潁州
 未至卒年六十二諡文正

元趙天麟

東平人僑寓夏邑博學能文舉
 鄉貢所著有太平金鏡策行世

彰德府

隋盧大翼

字協昭河間人間居味道不求榮利博
 綜羣書尤善占候曆筭之術徙居林慮

山萊萁潤請業者自遠而至初無所拒久之坐事
 當死高祖惜其才釋之後日盲以手摸書而知其
 字大業末卒于洛陽

五代任圜

京兆人性明敏善論辯仕唐累官同中
 書門下平章事兼判三司因與安重誨

言事不合遂請致政居磁州迨朱守殷反于汴州
 重誨誣圜與守殷連謀遣人矯制教之圜受命怡
 然聚族酣飲而死益椿字壽之其先上黨人五季
 愍帝即位贈大傅益椿之亂徙居臨漳值歲饑採
 野豆芻米以奉母兄及亂定乃率妻子剪茅樹宇
 墾田植桑營為世業時元好問杜仁傑曹昶張文
 舉皆與之游彰德主者欲以邑宰召之椿堅辭不
 起葛巾藜杖逍遙林壑年八十有九終于元彰德
 路儒學教授

宋李士明

大名元城人徙居相下累世同居其信
 誼節氣聞河北與寇萊公為布衣交比

萊公守魏郡以狀奏旌表
 其門子輩天聖八年進士

金王庭筠

字子端河東人大定間舉進士為館陶主簿明昌初召試館職弗果乃罷居彰

德買田林慮讀書黃華山寺因以自號泰和初召為翰林修撰明年卒上知其貧詔有司營墓事庭

筠儀觀秀偉善談論為文能道所欲言暮年尤工於詩所著有聚辯十卷文集四十卷子曼慶亦能

詩並書仕至行省郎中自號澹游

元李秉燹

北平人徙家於相讀書工篆隸為彰德路轉運使歷戶部尚書所居有閑邪齋

號閑邪老人有文集

王博文

東魯人徙家于相從憲宗南征歷官禮部尚書後遷江南道行

御史臺中丞卒贈高鳴

真定人徙家于相少以文學知名累官彰德路總管

政假詣學舍親講經義境內化之郡邑知有經學自鳴始世祖即位賜誥命金符召為翰林學士累

官吏部尚書卒謚文獻所著有河東集三子書訓翰林直學士易訓河北道兼訪副使詩訓太常博

士

明謝榛

字茂秦臨清人以詩雄于時嘉靖中與王弇州李于鱗吳明卿宗子相等相唱和號

稱七才子趙康王虛懷下士聞其賢厚幣延之待以上客遂占籍安陽

衛輝府

周呂尙

字牙東海上人其先嘗為四岳佐禹平水土有功虞夏之際封于呂尙其苗裔也本

姓姜從其封姓故曰呂年七十屠牛於朝歌久之避紂亂而去隱于磻溪周西伯出獵遇之與語大

悅曰自吾先君太公望子久矣故又號之曰太公望載與俱歸及武王平商乃封尙于齊

唐趙元

字貞固河間人祖挾號通儒在隋與同郡劉焯俱召至京師補黎陽長徒居於汲元

少貞志畧好論辯士爭慕嚮之武后朝調宜祿尉到職非公事不言彈琴蒔藥如隱者之操自傷位

不配才卒年四十九其友魏元忠孟詵宋之問崔瓌等共謚昭彞先生

宋高若訥

山西榆次人徙居衛州舉進士累官龍圖閣直學士史館修撰進工部侍郎叅

知政事兼樞密使卒贈右僕射謚文莊若訥疆學
善記自秦漢以來諸傳記無不該通因母病兼通
醫書雖國醫皆屈伏張仲景傷寒論訣孫思邈方
書及外臺秘要久不傳者悉考校訛謬行于世故
名醫多出衛州本高氏學焉又考定鍾律
并損益祠祭服器悉見施用有集二十卷
邵古字
叟范陽人幼孤事母孝力貧且養長益好學必求
義理之盡天聖中嘗登蘇門山顧謂其子雍曰若
聞孫登之為人乎吾所尚也遂隱居於山下年
七十九卒所著有正聲正字正音等三十篇

元姚樞

字公茂柳城人遷居洛陽太宗時為燕南
行臺郎中以臺長惟事貨賂乃棄官携家

來輝州作家廟別為室奉孔子及宋諸儒像刊諸
經授學者讀書鳴琴若將終身時許衡在魏至輝
就錄程朱所註書以歸謂其徒曰曩所授受非是
今始聞進學之序既而盡室依樞以居世祖在潛
邸召樞至大喜待以客禮動必咨問及即位累官
至中書左丞昭文館大學士翰林承旨卒贈太師
魯國公謚文獻子煒仕
姚燧字端甫三歲而孤育
為平章政事卒謚文忠

燧不能堪楊奐馳書止之曰燧令器也長自有成
何以急為且許醮以女年十三見許衡於蘇門十
八始受學至元中為秦王府文學累遷翰林學士
元貞初奉詔修世祖實錄書成詔拜太子少傅明
年進翰林學士承旨又四
年得告南歸卒謚曰文

懷慶府

漢石奮

趙人趙亡徙居温高祖東擊項籍過河內
時奮年十五為小吏侍高祖高祖與語愛

其恭敬問曰女何有對曰奮獨有母不幸失明家
貧有姊能鼓琴高祖曰若能從我乎對曰願盡力
於是高祖召其姊為美人以奮為中
涓使受書謁焉景帝初累官至九卿

晉嵇康

譙國鈺人早孤有奇才學不師授博覽無
不該通長好老莊常修養性服食之事寓

居河內之山陽二十年與阮籍山濤向秀劉伶阮
咸王戎為竹林之遊世所謂竹林七賢也初康宅
邊有一柳樹嘗鍛其下穎川鍾會往訪焉康
不為禮後坐呂安事會譖於文帝遂見害
韋况

京兆萬年人少隱王屋山孔述屠稱之及述屠以
諫議大夫召薦况為右拾遺不拜未幾以起居郎
召半歲輒棄官去况雖世貴而志冲
遠不為聲利所遷當時重其風操云

宋馮拯

字道濟史未詳何許人父俊周太子賓客
徙居河陽拯舉進士累遷工部尚書以疾

請罷拜刑部尚書知河南府廳以府事委官屬久
之拜右僕射同平章事集賢殿大學士乾興二年

進封魏國公既而五上表願罷相拜武勝軍節度
使兼侍中判河南府仁宗遣人撫問還奏其家儉

陋被服甚質太后賜以衾綢
傳堯俞 字欽之鄭州
及錦綺屏卒贈太師謚文懿

濟源十歲能為文及登第猶未冠嘉祐中為監察
御史屢進讜言英宗立遷右司諫以論新法不便

出為河北轉運使元祐中拜中書侍郎司
馬光嘗稱其有清直勇三德卒謚獻簡

元李俊民

字用章山西澤州人得河南程氏之學
金承安中舉進士第一授翰林未幾棄

官不仕金源南遷俊民乃隱于嵩山後徙懷州世
祖在潛邸以安車召之咨訪無虛日遽乞還山遣

中貴人護送之及 **王磐** 字文炳廣平永年人世業
卒賜謚莊靜先生 農父僖金人遷汴乃舉家

南渡河居汝之魯山磐年方冠從麻九疇學于鄆
城容居貧甚日作麩一器畫為朝暮食至大四年

擢進士第授歸德府錄事判官不赴及河南被兵
磐又寓河內世祖召拜翰林直學士累遷資德大

夫致仕卒封洛 **呂文卿** 潁川人隱居濟至正辛卯
國公謚文忠 間妖賊半破周等虎據覃

懷文卿贊襄搃兵招義兵萬餘人討平汝穎鈞許
以至鳳翔關陝秦隴冀晉之區威信服人上以忠

義旌之授 **明楊立** 山東鄆城人從父宦遊江南父卒奉母居
中書叅政 覃懷家貧授徒以供母卒哀毀廬墓三年

後之江南求祖父山東求祖母墓
之親匍匐不憚勞苦人稱孝子云

河南府

秦孔鮒

字子魚孔子八代孫該通六藝始皇時召
為魯國文通君拜少傅及李斯議焚書鮒

懼遺典滅亡藏書壁間隱居嵩山之陽教授弟子嘗百餘人後陳涉起為楚王聘鮒為博士鮒託疾而退卒於陳著書二十餘篇號曰孔叢子

漢周黨

字伯况太原廣武人建武中徵為議郎以病去職遂將妻子居澠池復被徵不得已

乃著短布單衣穀皮綃頭待見尚書及光武引見黨伏而不謁自陳願守所志帝許之黨歸澠池著書上下篇而終

邑人賢而視之

班超

字仲升扶風平陵人兄固任洛陽校書郎超隨毋至任家

貧常為官傭書以供養久勞苦超投筆嘆曰大丈夫無他志畧尤當效傅介子張騫立功異域以取

封侯安能久事筆硯乎永平間用薦奉使西域累建殊勲封定遠侯永元十四年上疏乞歸詔許之

還洛踰

楊震

字伯起華陰人少好學受歐陽尚書於太常桓郁明經博覽無不窮究客

居弘農之湖縣築校書堂以教授學者居二十餘年州郡請召數稱病不就眾謂其晚而震志愈篤

有冠雀啣三鱣集講堂前或

郭泰

字林宗太原介休人家世貧賤以為三公之兆後果拜太尉

早孤母欲使給事縣廷泰曰大丈夫焉能處斗筲之役乎遂辭就成臯屈伯彥學三年業畢博通墳籍善談論美音制乃遊于洛陽始見河南尹李膺膺大奇之遂相友善於是名震京師及歸衣冠諸儒送至河上車數千兩泰惟與李膺同舟而濟眾賓望之以為神仙焉

晉劉弘

字和季沛國相人有幹略政事之才少家洛陽與武帝同居永安里又同年共研席

以舊息起家為太子門大夫累遷寧朔將軍假節監幽州諸軍事以勲德兼茂封宣城公太安中轉

鎮南將軍都督荊州諸軍事永

趙至

字景貞代州人寓居洛陽

與初卒於位贈新城公謚曰元

緱氏令初到官至年十三與母觀之母曰汝先世非微賤遭世亂遂為士伍耳至聞母言詣師受業

聞父叱牛聲投書而泣師恠問之曰未能榮養使父老不免勤苦師嗟異之年十四偶遊太學遇嵇

康寫石經徘徊視之不能去

張楷

字公超蜀郡成

因母亡號憤痛哭嘔血而卒

南北朝楊愔

字遵彥華陰人幼受詩易好左氏春秋及長能清言容止可觀有識者多以遠大許之元魏永安中拜散騎常侍愔以世故未彙志在潛退乃謝病隱於嵩山北齊神武時徵

赴晉陽拜大行臺右丞未幾棄衣冠于水濱變易姓名自稱劉士安入嵩山與沙門曇謨徵屏居削迹後神武徵至復其官封華陰縣侯

唐姚懿

字崇父其先吳興人以祖仕陝遂家焉隋亂授硤石縣令輯寧部曲以義應高祖官

至雋州都督賜吏部尚書謚文憲

杜甫

字子美其先襄陽人以祖依藝令於鞏因僑居焉甫

少貧不自振客吳楚齊趙間李邕奇其才先往見之舉進士不第困長安天寶中獻太清宮饗廟及郊甫奏賦三篇明皇奇之授右衛率府胄曹屬京師亂步謁行在拜左拾遺以直言出為華州司功尋遷京兆功曹嚴武節度劍南狀為工部員外郎參謀軍事旋棄去扁舟下荆楚間竟以寓卒旅殯岳陽子宗武病不克葬歿命其子嗣業貧無以給喪焦勞晝夜距于美歿餘四十年元和癸巳始與

夫人楊氏合窆於首陽之山前

白居易

字樂天太原人貞元中舉進士補校書郎遷翰林學

士文宗時累官至刑部侍郎封晉陽男進馮翊縣侯會昌初以刑部尚書致仕歸洛陽居履道里疏沼種樹構石樓香山鑿八節灘稱香山居士常與胡杲吉叟劉真台鄭據盧慎張渾李元爽僧如滿

燕集人慕之繪為九老圖卒贈尚書右僕射宣宗以詩弔之弟行簡擢進士敏而有辭官至振武營田使盧鴻

字顯然范陽人徙洛陽博學善書籀結廬嵩徵之鴻至東都帝召升內殿置酒拜諫議大夫固辭召許還山歲給米百斛絹五十匹朝廷得失具以狀聞將行賜隱居服鵝到山中廣學廬聚徒至五百人及卒帝賜萬錢鵝所居室自號寧極云

裴度

字中立河東聞喜人貞元初擢進士第累拜

大學士知政事太和四年出為山南東道節度使項之請乞不許八年徙東都留守俄加中書令時闔豎擅威度不復有經濟意乃治第東都集賢里作別墅號綠野堂野服蕭散不問人事帝知度年

雖高神明不衰每使臣自洛來必問度安否開成
 二年復以本官節度河東明年以病丐還東都卒
 贈太傅 **李渤** 字濬之魏橫野將軍發之裔初隱廬
 謚文忠 **李渤** 山後徙少室山元和初以右拾遺召
 不赴韓退之遺書促之始出家東都每朝廷有闕
 政輒附章列上九年討淮西上平賊三術及禦邊
 新錄上乃以著作郎召渤遂赴歲餘遷右補闕後
 以直忤出為桂管觀察使踰年以病歸洛太和
 召拜太子賓客 **孟郊** 字東野湖州武康人少隱嵩
 卒贈禮部尚書 **孟郊** 山貧居苦吟性介少諧合惟
 與韓愈為忘形交年五十第進士調溧陽尉日賦
 詩曹務多廢令日府以尉代之分其半俸鄭餘慶
 鎮興元奏為忝謀後卒其友張 **賈島** 字浪仙范陽
 籍私謚曰貞曜先生有集十卷 **賈島** 人累試不第
 遂習浮屠徙居東都工于詩韓愈教其為文島遂
 去浮屠舉進士大中末為長江主簿有長江集十
 卷 **陸扆** 字祥文嘉興人宰相贄族孫客于陝遂為
 扆工屬辭敏速若注射然昭宗優遇之遷尚
 書左丞徙同中書門下平章事封吳郡公 **王適**

幽州人善為詩尤好讀書懷奇負氣時以四科募
 士適笑曰此非吾時耶即携所作書緣道歌咏趨
 直言試既至對語驚人下第益困久之間金吾將
 軍李惟簡年少喜士見之與語舍遂薦為衛泰軍
 居歲餘若有不樂一旦載妻子入闕鄉南山中書
 舍人王涯獨孤及吏部郎中張惟素比部郎中韓
 愈日發書訊
 固辭不起

五代張策

字少逸河西燉煌人父同徙居洛陽敦
 化里浚井得古鼎銘曰魏黃初元年春

二月匠吉于同以為奇時策年十三在側啓曰漢
 建安二十五年曹公薨改元建康是歲十月文帝
 受禪又改黃初是年無二月銘何謬邪同大驚異
 之梁太初兼四鎮辟為鄭滑支使及即位累遷工
 部侍郎開平初以刑部
 尚書致仕卒於洛陽

宋趙晉

字則平幽州薊人父向舉族徙洛陽普沈
 厚寡言范質薦為軍事判官太祖嘗與語

奇之時獲盜百餘當棄市普疑有無辜者啓太祖
 訊鞠之全活者甚眾以佐命功累官樞密使檢校

大保乾德二年授門下侍郎平章事集賢殿大學士普既拜相上視如左右手事無大小皆咨決焉淳化三年乞骸骨歸七月而卒贈尚書令追封真定王謚忠獻普少習吏事寡學衛及為相每歸私第輒閉戶啓篋取書而讀之次日臨決如流既卒家人啓篋視之則論語二十篇也咸平初追封韓王配享太

孔承恭 字光祖京兆萬年人唐昭宗東祖廟庭 遷舉族隨之河南父莊晉諫議大夫承恭以蔭入授秘書省正字藝祖時王審琦鎮壽春薦為鄭州叅軍太宗即位命監西京酒麴歷遷太常少卿俄以疾求解官且言早游嵩少間樂其風土願卜居焉授將作監致仕以子玠為登封縣尉以

王彥昇 蜀人後唐同光中移家洛陽明便祿養 宗補為東班承旨歷晉周官至龍捷軍都虞侯建隆中累官原

張齊賢 曹州人徙州防禦使西人畏之不敢犯塞 前條陳十事四說稱旨齊賢堅執以為皆善上怒令武士拽出之及還語太宗曰我幸西都惟得一張齊賢耳異時可使輔汝太宗即位齊賢舉進士累官右僕射後以

司空致仕歸洛卜居午橋莊有池榭松竹之勝日與親舊觴味其中卒贈司徒謚文定 **李建**

中 字得中京兆人祖稠避地入蜀建中年十四丁外艱奉母徙居洛陽聚學以自給太平興國八

年舉進士累官工部郎中卒建中性簡靜恬於榮利前後三求掌西京留守御史臺尤愛洛中風土

就構園池號曰靜居好吟詠每游山水多留題自稱巖夫有集三十卷子周道周士並進士 **趙**

及 字希之良鄉人父的事契丹雍熙中王師北征乃歸授偃師令因家焉及和厚謙退內行尤篤

舉進士歷知數州吏民愛 **李若谷** 字子淵豐人少之累遷至右諫議大夫 孤游學依姻家

趙况於洛下遂葬其親于緱氏若谷舉進士補長社尉時州葺兵營課民輸木檝尉受之而吏以不

中程多退斥欲苛苦輸者因以取賕若谷度材別其長短大小為程置庭中使民自輸真宗時遷知

陝州盜聚青灰山久不散若谷遣牙吏持榜招諭之盜殺其黨與自歸又知河南府累官資政殿大

學士以太子少傅 **王曙** 字晦叔河汾人徙家河南致仕卒謚康靖 咸平中舉賢良方正科累

遷知開封府又知河南召為御史史丞論玉清昭
 應宮災進尚書工部侍郎改資政閣學士知陝州
 徙河陽再知河南府官至中書門下平章事卒謚
 文康所著周書音訓唐書備問莊列旨歸兩漢詔
 議及文集**文彥博**字寬夫介休人天聖五年舉進
 各若干卷**文彥博**字速事四朝任將相五十餘年
 封潞國公元豐二年以太師致仕居洛陽與富弼
 席汝言王尚恭趙丙劉几馮行已楚建中王慎中
 張問張燾司馬光王君貺仍用白居易故事就弼
 第置酒相樂尚齒不尚官已而圖形妙覺僧舍謂
 之洛陽耆英會光為**司馬光**字君實夏縣人父池
 文序其事識者慕之
 名年二十舉進士累官資政殿學士元祐間罷相
 寓居洛中築獨樂園自號迂叟與邵子程子相游
 嘗往來陝洛間人化其德師其學法其儉在洛凡
 十有五年哲宗即位復召人相拜左僕射卒於位
 贈太師溫國公謚文**曾幾**贛州人徙河南高宗時
 正配享哲宗廟庭**曾幾**嘗三仕嶺表家無南物
 兄開忤秦檜幾亦坐廢檜死復起知
 台州累官敷文閣待制卒謚文靖

金薛繼先

字曼卿河東人南渡後隱居洛西山中

玠行部過繼先繼先不之見或問故繼先曰今時
政未必皆善御史一有所劾將謂自我發之他日
并隣里必有受其**元好問**秀谷人七歲能詩號神
禍者其畏慎如此

詩文備眾體蔚為一時文宗學者稱為遺
山先生累官員外郎金亡不仕流寓永寧

元杜瑛

字文王霸州信安人金未避地緱氏山中

食三事對世祖悅命從行以疾弗果中統初徵不
至除懷孟彰德等路提舉學校官又不就杜門著
書以終其身臨卒命其子處立曰吾死當表吾墓
曰緱山杜處士天曆中贈翰林學士追封魏國公

謚文獻所著有春秋地理源委語孟旁**陳天祥**字
通律呂星曆禮樂雜志文集各若干卷

甫趙州寧晉人因兄祐住河南南從學洛陽中統三
年李壇叛河南河北宣慰司承制以天祥為千戶

屯三汭口防遏之事平罷歸居偃師南山有田百
餘畝躬耕讀書從游者甚眾其居近緱氏山因號

曰緱山先生至元中起家從仕郎郢復州等處招討司經歷歷累官中書左丞議樞密院事卒贈河南等處中書省平章事追封趙國公謚文忠

明陳靖建

蘇州人賣藥洛陽市流賊陷洛執靖建至營罵賊不絕口大言明天子尚在論

賊歸順賊怒寸磔之至死不屈

南陽府

周百里奚

虞人爲虞大夫惠王二十二年晉獻公滅虞得虞君及奚以歸乃爲穆夫人媵

于秦奚亡秦走居于宛楚鄙人執之穆公聞其賢欲重贖之恐楚人不與乃使人謂楚曰吾媵臣百里奚在焉請贖以五段之皮楚人歸之穆公與語大悅授以國政號曰五段大夫

漢諸葛亮

字孔明瑯琊陽都人漢末避亂寓居南陽躬耕隴畝好爲梁父吟每自比管樂

建安中先主屯新野穎川徐庶曰諸葛孔明者卧龍也將軍其願見之乎先主曰君與俱來庶曰此

人可就見不可屈也將軍宜枉駕顧之由是先主詣亮凡三往乃見遂從先主伐曹建都蜀中策亮

爲丞相建興初進封武鄉侯卒謚忠武今南陽有武侯祠

金季朮魯德

隆安人泰和間從憲宗南征道經於鄧見順陽山川秀麗風土淳美因家焉後以功封南陽郡侯子孫遂爲鄧州人

明張唯

江西永豐人流寓南陽以尙書舉第一是年上開文華堂于禁中以爲儲材地詔擇

中式舉人雋異者俾肄業其中唯寔與選正月甲寅命題賦詩詩成稱旨唯擢編修詔賚善大夫宋濂正字桂彥良等教之上謂曰昔許魯齋諸生多爲宰輔卿其勉之萬幾之暇輒幸堂中取其文親平優劣命光祿寺日給酒饌濂輩雖司啓迪顧諸生皆上所親教不敢以師道自居一日侍燕聞詢及肄業進益濂對曰無如張唯者因備述其雋才請錄爲弟子員上笑而許之蓋同時進者又有河南張翀禮遇雖不及唯然侍從車駕應制被顧問未始異也

汝寧府

漢王粲

字仲宣山西高平人祖父龔為汝南太守粲常寓居汝南有王粲宅

晉祖逖

字士雅范陽人京師大亂逖率親黨避地淮西故今信陽有士雅山

宋穆修

字伯長鄆州人幼嗜學徙寓汝陽嘗受易於种放真宗東封以經行之士賜進士出身調泰州理掾恃才忤監部得罪遇赦補潁川文學叅軍時學者從事聲律修獨以古文為倡時士大夫翕然稱之

任諒

字子諒眉山入徙汝陽九歲而孤舅欲奪毋志諒挽衣泣曰豈有為人子不能養其親者乎毋為感動而止力學自奮年十四登高第累官龍圖閣直學士知京兆府初朝廷將有事於燕諒曰中國其有憂乎因遺書宰相曰今契丹之勢其亡昭然取之當以漸師出不可無名大臣弗聽

金麻九疇

字知幾易州人弱冠入太學有文名南渡後寓居鄆蔡間入遂平西山始以古後果如諒言

學自力博通五經典定未試開封府詞賦第二經義第一再試南省復然聲譽大振雖婦人小兒皆知其名後遷翰林文字九疇自度不能與世合遂謝病歸時元兵入河南九疇挈家走確山為兵所得驅至廣平病死

元馬祖常

字伯庸西域人父潤同知漳州路總管府事家于光州祖常七歲知學延祐初

中廷試第二授應奉翰林文字累遷陝西行臺中丞卒贈魏郡公謚文貞祖常立朝既久多所建明

工於文章自成一家言詩尤圓密清麗文宗謂中原碩儒惟馬祖常云

張桓

字彥威真定藁

城人父木知汝寧府因家焉桓以國子生釋褐入補中書掾累官陝西行臺御史以言事不合去去未幾汝寧盜起桓避居確山賊知其名襲獲之拜請為帥弗聽因六日乃擁至渠魁前桓抗論逆順終不屈賊刺殺之後語人曰張御史真鐵漢害之可惜事聞贈禮部尚書謚忠潔

汝州

唐田游巖

京兆三原人永徽時補太學生罷歸入側長史李安期表其才召赴京師行及汝辭疾入箕山居許由祠旁頻召不出高宗幸嵩山親至其門游巖野服出拜帝謂曰先生此佳不答曰臣所謂泉石膏肓烟霞痼疾者因與俱還拜崇文館學士宅居奉天宮左帝自書榜其門曰隱士田游巖宅進太子洗馬久之乞還山蠶衣耕食不交當世

惟與韓法昭宋之馬燧字洵美扶風人徙居邠城問為方外友云

時澤潞節度使李抱玉署燧為左武衛兵曹叅軍遷鄭州刺史重農薄歛百姓便之徙懷州務勤教化除煩苛之弊是秋和生于境代宗立累遷河陽三城節度使時汴將李靈耀友燧奉詔討平之建中二年拜兵部尚書封幽國公尋進封北平王卒贈太傅謚莊武

宋范祖述成都人徽宗時累遷知台州主管西京邀與共守旁郡盡陷惟汝獨全歷官至朝請大夫

金許古字道真不詳何許人昌明初登詞賦進士第拜監察御史彈劾精當上多俞納哀宗時遷左司諫未幾致仕居伊陽郡守為起伊川亭古性嗜酒每乘舟出村落間留飲或十數日不歸及泝流而上老稚爭為挽舟數十里不絕其為時人愛慕如此

元郝經字伯常山西陵川人金末父思溫避地魯民多死經母許亦死經以蜜和寒菹汁決母齒飲之即蘇時經九歲人皆異之世祖在潛邸召見與語大悅及即位以經為翰林侍讀學士所撰有續後漢書易春秋外傳通鑑書法及文集凡數百卷

河南通志卷之第三十一 終

河南通志

流寓

卷之第三十一

十一

河南通志卷之三十二

隱逸

夫遯世奚為者也易曰天地閉賢人隱與時偕晦
 以明高尚之志耳乃巢許耽箕穎而上傲放勲嚴
 光卧春陵而不屑佐命彼生逢景運何甘心窮約
 長往而莫返也夫匹夫結志固如磐石豈盡盜虛
 聲驚捷徑者作隱逸志

開封府

周壺丘子林

鄭人道德甚優列禦寇師事之初禦寇好游壺丘子曰游何所好列子曰

游之樂所玩無故人之游也觀其所變壺丘子曰御寇之游固與人同而曰固與人異凡所見亦恒

見其變玩彼物之無物不知我亦無故務外游不知務內觀外游者求備于物內觀者取是于身取足于身游之至也求備于物游之不至也於是列子自以為為不知游將終身不出居鄭國四十年人無識者

漢夏馥

字子治陳留圉人少為書生質直不苟動必依道同縣高蔡並皆豪富郡人畏而事

之唯馥閉門不與高蔡通桓帝時太尉趙戒舉馥不詣遂隱身久之禁錮善士馥乃變服易姓入林

慮山中為治工客作積備三年形貌毀悴後詔釋黨禁有人識其聲者以告郡太守使人以車迎馥

馥自匿車 **李曇** 穎川人少孤事繼母至孝陳蕃等三返乃得 **荀靖** 字淑慈穎川人少

能贊宣盛美增光日月桓 **荀靖** 有儁才以孝著名帝以安車玄纁徵之不起

兄弟八人號曰八龍闔門梯睦隱身修學動止合禮弟爽字慈明亦以才顯或問汝南許章曰爽與

靖孰賢章曰昆玉也慈明外朗叔慈內潤太尉范辟不就及卒穎陰令丘禎追號靖曰玄行先生 **范**

冉

或作丹字史雲陳留外黃人嘗受業於南陽樊英又遊三輔就馬融通經歷年乃還冉好違時

絕俗慕梁伯鸞閔仲叔之為人桓帝時以冉為萊蕪長不就議者又欲以為侍御史遂遁去徒行救

服賣卜于梁沛之間居徒四壁處之 **陳留老父** 史裕然三府累辟不應卒謚貞節先生

其名桓帝世黨錮事起守外黃令陳留張升去官歸鄉里道逢友人共班草而言升曰吾聞趙殺鳴

犢仲尼臨河而反覆巢淵龍鳳逝而不至今宦豎日亂陷害忠良賢人君子其去朝乎因相抱而

泣老父趨而過之植其杖太息言曰吁二丈夫何泣之悲也夫龍不隱鱗鳳不藏羽網羅高懸去將

安所雖泣何及乎二人欲與 **茅容** 字季偉陳留人

之語不顧而去莫知所終 野避雨樹下眾皆斂跡容獨危坐愈恭郭泰見而

異之因留宿旦日容殺鷄為饌泰意謂為已設既而供母自以草蔬與客同飯 **符融** 字偉明

拜曰卿賢乎哉因勸令學卒以成德 師事少府李膺善談辯州郡禮請舉孝廉公府連辟皆不應會有黨事亦遭禁錮妻亡貧無殯殮鄉

人欲為具棺服融不肯受曰古之亡者棄之中野唯妻子可以行志但即土理藏而已同郡田盛亦知名優游不

庾乘

字世游潁川鄆陵人少給事縣

仕並以壽終為諸生備後能講論自以卑第每處下坐諸生博

士皆就讐問由是學中以下坐為貴徵辟不起號

曰徵

君 **司馬徽** 字德操潁川人氣質清雅有知人之

隱居不仕時人號為水鏡先生

三國胡昭

字孔明潁川人始避地冀州不應袁紹

各有志出處不同卒高其義不相屈昭乃隱陸渾

山中躬耕樂道以經籍自娛嘉平初年八十九卒

晉董養

字重道浚儀人泰始中到洛不干祿仕因

稱知幾其神乎君等可深藏矣

范喬

字伯孫冉之

乃與妻荷擔入蜀莫知所終 **范喬** 字伯孫冉之

于樂安蔣國明濟陰劉公榮見之深相器重元康

中詔求廉讓冲退之士時張華為司徒天下所舉

凡十七人於喬特發優論於是除樂安令辭疾不

拜喬凡一舉孝廉八薦公府再舉清白異行又舉

寒素皆 **范宣** 字宣子陳留人年十歲嘗以刀傷手

不就但受全之體而致毀傷不可處耳宣少尚隱遯加

以好學遂博綜經籍却鑒命為主簿詔徵太學博

士散騎郎並不就宣雖閑居屢空常以講誦為業

譙國戴逵等皆聞風宗仰自遠而至諷誦之聲有

若齊魯云 **南北朝庾承先** 字子通鄆陵人少沉静有志操是

能窺也嘗辟功曹不就乃與道士王僧鎮同游衡

嶽又居五臺山梁鄱陽忠烈王欽其風尚要與游

中丞任昉欲造不敢望而嘆曰其室雖邇其入甚遠一時名公屢表薦之後與吳郡范元琰同徵俱不起嘗著高隱傳三篇年五十八卒謚曰文貞處士

唐白履忠

後儀人博通經史居古大梁城時號梁丘子景雲中召為校書郎棄官去開元

中刑部尚書王志愔薦履忠博學守操可代褚無量馬懷素入閣侍讀國子祭酒楊瑒又表其賢召赴京師辭病老不任職詔拜朝散大夫乞還手詔許游京師徐返里閭履忠留數月乃去

宋王昭素

酸棗人篤學有至行為鄉里所稱聚徒教授嘗著易論二十三篇太祖聞之召

至賜坐令講易因訪以民間事深見嘉獎拜國子博士以衰老辭賜茶藥及錢二十萬留月餘遣之

年八十

萬適

字縱之陳州宛丘人自號遺玄子六

九卒與高錫族子冕及韓伍交遊不求仕進專以著述為務淳化中任翰林學士因召對訪詢遺逸伍薦適帝召至闕下特授慎縣主簿數日卒

楊璞

字契玄新鄭人善吟咏士大夫多傳誦之

每乘牛往來郭店自稱東里遺民嘗杖策入嵩止窮絕處構思為歌詩凡數年得百餘篇既被召還

作歸耕賦以見志真宗朝諸陵道出鄭州遣使以茶帛賜之

杜生

穎昌人莫知其名所居去

邑三十里不出門者三十年黎陽尉孫軫往訪之問所以為生對曰昔有阪田與兄同耕迨兄子娶婦度不足贍乃盡以與兄而携妻子至此僦屋居之與人擇日醫藥聊供飢粥耳軫嘆息而去

元蔡郁

字文卿中牟人天資穎異家世業儒六歲

母流落順天既長行傭以供母後復故里帶經而鋤以道自樂不求聞達詔累徵不起

明劉起鳳

陳留人天性孝友隨父京邸父卒千里

年無一間言母卒分析任弟擇取惟取圖書數卷而已築桃花館日與弟賦詩揮翰以娛志不求聞達著落花

張柟

杞縣庠生義士廷恩曾孫性狷介篤孝友善屬文雅志高尚雖貧尤

好施予既老怡情詩酒日與二三知己琴咏嘯傲品行高潔善化卉號青指道人萬曆癸卯吳學道

題扁曰高士臨終自
銘其棺卒年八十

靳滋昂

尉氏人字昂昂別號
笨伯尚書習魯公長

子工書弱冠亂廩餼買大驄山薙茅築舍起仕岩
別墅居焉後遇流土交訐四方投居者存活以萬

計昂清心味道註有黃庭心印諸解獨撰龍沙一
線一卷世咸崇為玄門直指壽七十三書訣辭曰

泰山顏兮吾安所適陰陽疢贅天地夙機元活為
宅我將棲倚端坐默默如平常兩鼻垂玉柱尺餘

屬續體柔不僵人
咸異為尸解云

張民表

字林宗號法幢中牟人
居祥符太子太保張公

十八歲舉于鄉子史百家無不淹貫讀詩自三百
而下漢魏六朝四唐元宋率皆成誦發為詩渾脫

瀏離或時以縱橫之意托之漕放達不減晉人風
味玉公大人式廬請教三次徵聘皆不就著有詩

文甚富今行于世僅五卷以崇禎十五年水
陷大梁表與詩文俱陸沉焉海內聞而傷之

阮漢

聞尉氏人家世自晉以來為清流砥柱幼儻磊
落經史百家古今詩文無不該博好畫策有仲

連風足跡遍五嶽南與焦弱侯朱蘭嶠陳古白北
與王半庵張林宗秦京交甚厚其為詩沉雄如杜

甫別趣如司馬洗心文人墨士皆以師事三蒙徵
聘皆托病不就後以流寇冲突秦豫間遂憂時成

病卒有詩數
卷行于世

理密和

西華人崇禎壬午舉人家貧
深于理學門弟子從遊授繼

者數百人原姓李因恥與
闖寇李自成同姓改姓理

趙日躋

字伯式禹州人
弱冠以文名性

篤孝父崇正有疾夜不解衣者三月素友愛嘗謂
諸子曰汝祖兄弟食必共凡行必聯鑣吾與昆仲

亦然朝夕不能離也年四十值時亂絕意進取自
號穎漁子有詩云平湖綠水逸青草野店清晨樓

睡鴉其清致如此
子來鳴登進士

高務滋

新鄭人孝友嗜學崇禎
中三徵不就以明經終

歸德府

宋陳搏字圖南真源人不求祿仕隱居華山石室
周世宗召問黃白之術搏不對世宗不悅

放還山太宗即位召至留闕下數月宰相宋琪等
問曰先生得元默修養之道可以授人乎搏曰鍊

養之道皆所不知假令白日昇天何益于世今聖
上洞達古今深究治亂誠有道仁聖之主也正君

臣同德協心典化致治之時勤行修鍊無出於此琪等表上其言帝益重之賜號希舜先生
明張昉 商丘人號大壯字于東賦性孝友肆力墳
典明崇禎丙子舉于鄉不上公車與弟翮
做蹤功名潔修塵外
多所著述邑人高之

彰德府

漢臺佟

字孝威鄴人隱居武安山中鑿穴為居採藥自業建初中州辟不就刺史行部乃使

從事致謁佟往謝刺史乃執贄見佟曰孝威居身如是甚苦佟曰佟幸得保終性命存神養和如明使君奉宣詔書夕惕庶事反不苦耶遂去隱于深山終莫能見焉

明蘇育

湯陰人字季和萬里之子博學嗜古弱冠舉于鄉與文文起張林宗相友善見時將

亂遂築園閉戶潛心理學終身不仕集有臥游園物外閣以及石叢別業諸稿

衛輝府

周荷蕢

衛人避亂不仕自匿姓名孔子擊磬於衛時荷蕢過其門聞其聲而譏之語在論語

漢何長

字子平朝歌人隱居不仕性尚中和好通老易有欲薦之于王莽者固辭乃止嘗讀

易至損益封嘆曰吾已知富不如貧貴不如賤但未知死何如生耳建武中男女嫁娶既畢與同好禽慶俱遊五嶽名山不知所終

晉孫登

字公和汲郡人無家屬於北山為土窟居之水中欲觀其怒既出大笑人見之與語不應魏

司馬昭聞之使阮籍往觀亦不語嵇康從之游三年問其所圖終不答及別謂曰先生終不言乎登曰子識火乎生而有光不用其光以全其光人生有才不用其才以全其才今子才高寡識難乎免於今之世矣康後果如其言

懷慶府

漢四皓

俱河內軹人一日東園公二曰舟里先生三日綺里李四曰夏黃公修道潔已避秦

入藍田山作歌曰莫莫高山深谷透迤曄曄紫芝
可以療饑唐虞世遠吾將何歸駟馬高蓋其憂甚
大富貴之畏人不如貧賤之肆志遂共入商洛隱
于地肺山漢高聞而召之不起深自匿終南山不
能屈也 野王二老 史失其名建武間光武遣鄧禹西
征送之于道既返因於野王獵路

見二老者卽禽光武問曰禽何向並舉手西指言
此中多虎大王勿往臣每卽禽虎亦卽臣光武曰
苟有其備虎亦何患老曰湯卽禁於鳴條而大城
於亳武王卽紂於牧野而大城於邾鄆彼二王者
備非不深也是以卽人者人亦卽之光武悟顧在
右曰此隱者也將用之辭而去不知所在

晉王尼

字孝孫河內人游洛陽卓犖不羈諸名士
胡毋輔之等皆與之游東瀛公騰辟爲車

騎府舍人不就及洛陽陷避地江夏時王澄爲刺
州刺史遇之甚厚尼早喪婦有一子無居宅惟蓄
露車有牛一頭每行輒使御之暮則共宿車上嘗
嘆曰滄海橫流處不安也俄而澄卒荆士饑荒尼
不得食乃壞車殺牛食 郭文 字文舉河內軹人少
之旣盡父子俱饑死 愛山水尚嘉遯親終

不娶步擔入吳興山中倚木於樹苦覆而居恒著
鹿裘葛巾不茹酒肉區種菽麥采竹實籃以自給
餘杭令顧颺與葛洪共造之携與俱歸颺贈韋袴
褶一具文不納辭歸颺追遣使者置衣而衣後衣
爛戶內竟不服用王導聞其名迎至西園一
旦忽求還山未幾蘇峻叛人以爲知幾云

唐王友貞

河內人父知敬武后時仕爲麟臺少監
友貞素好學訓誨子弟如嚴君口不語

人過重然諾時中舍人徵固辭疾詔致珍饌給全祿
龍初以太子中舍人徵固辭疾詔致珍饌給全祿
終身四時送其所州縣存問睿宗時復以蒲
車召不至卒年九十九贈銀青光祿大夫 李愿
濟源人退隱不仕好讀書嗜山
水隱居盤谷韓昌黎有序送之

元馬景道

河內人隱居教授徵拜國子
助教陝西行省提舉皆不就

河南府

陶唐許由

字武仲陽城人爲人據義履方邪席不
坐邪膳不食後隱于沛澤之中堯以天

下讓不受逃太耕于潁水之陽箕山之下終身無
矜天下色沒葬箕山堯因就其墓號曰箕山公神
以配食五嶽世
世奉祀不絕

漢种岱

字公祖洛陽人好學養志舉孝廉茂才皆
不就後公車特徵會病卒初岱與李固子

變同徵議郎變聞岱卒痛惜甚乃為上書曰故處
士岱淳和達理耽悅詩書富貴不能回其慮萬物

不能擾其心稟命不永奄然殂殞昔先賢既沒有
加贈之典周禮盛德有銘誄之文而岱生無印綬

之恩榮卒無官謚之號雖未建忠效用而為聖
恩所拔遐邇具瞻宜有異賞朝廷竟不能從

晉董景道

字文博弘農人博通五經永平中知天
下將亂隱于商洛山彈琴歌嘯以自娛

毒蟲猛獸皆繞其旁劉元海及聰屢徵皆辭不就
至劉曜時出山廬于渭汭曜因徵為太子少傅散

騎常侍並辭
辛普明 字文達河南人少就關康之
竟以壽終 受業家貧與兄共處一帳兄

亡士子高其行悉以金賻之後至者不復受曰本
以兄墓不周故不逆親友之意今實以足豈可利

亡者餘贈耶豫章王嶷
徵為議曹從事不就

宋种放

字明逸洛陽人沉默好學與母俱隱終南
山以講習為業從學者甚眾淳化初陝西

轉運宏惟幹言其才行詔使召之其母恚曰常勸
汝勿聚徒講學身既隱矣何用文為果為人知而

不得安處我將棄汝入深山矣放稱疾不起太宗
嘉其節詔京兆賜以緡錢使養母不奪其志咸平

元年母卒兵部尚書張齊賢薦于朝詔徵不至明
年復召至京師以幅巾見帝命坐與語大悅即日

授左司諫直昭文館未幾乞還山命館閣官宴餞
于瓊林苑帝親製詩送之放性喜幽僻終身不娶

景德大中祥符間屢召至闕下俄復還山暮年乞
徙居嵩山天封觀側帝因命內侍就與唐觀基起

第賜之及卒詔
李瀆 字長源洛陽人淳滌好古博
贈工部尚書 覽經史不求仕進嘗往來中

條山中不親產業所居木石幽勝談唐室以來衣
冠入物歷歷可聽真宗時使使召見辭以足疾不

起遣內使勞問令長吏歲時存撫天禧三年卒
詔贈秘書省著作佐郎仍勅州縣存恤其家

魏野

字仲先陝州人性嗜吟咏不求聞達居州之東郊手植竹樹清泉環繞旁對雲山景趣幽

絕時好事者多載酒殺從之真宗祀汾陰歲與李瀆並被薦遣陝令王希招之野上書辭其略曰陛

下告成天地延聘巖數臣實愚戇資性慵拙幸逢聖世獲安故里豈意天慈曲垂揆引但麋鹿之性

頓纓則狂豈可瞻對堦殿仰奉清燕望回過聽許令伏守缺畝之問永荷帝力詔州縣長吏常加存

撫又遣使圖其所居觀之五年四月復遣內侍存問天禧三年十二月卒詔贈野秘書省著作郎

魏閑

字雲夫陝州人野之子少喜為詩學鼓琴不樂仕進遵父志皇祐二年仁宗祀明堂詔求

遺逸章萊年耆德茂者知府直史館李昭邁薦閑再世有高節上嘉之賜號清逸處士年八十四終

於家司馬支郭雍字子和洛陽人父忠孝官至大正公銘其墓郭雍中大夫師事程子著易說雍傳

其父學通世務隱居陝州放浪山谷間號白雲先生乾道中以陝守任清臣湖北帥張孝祥等薦于

朝旌召不起賜號冲晦處士孝宗稔知其賢每對輔臣稱道之命所在州郡歲時致問後更封願正

先王忠民

穎陽人幼通經史自靖康以來數言邊事于朝累召弗至請鎮翟典等皆重之

張浚授以迪功郎不受避地南下遇商虢鎮撫使董先于內鄉留軍中事以師禮時劉豫僭立忠民

作九思圖及定亂四象達之金主乃鏤板印圖散千偽境以明天下之義紹興三年翟宗薦之朝特

授宣教郎忠民上疏辭官言臣憤金久無道故三上書乞還二帝本心報國非冀名祿上不許忠民

以誥寘牘中藏七寶山下力懇求去遂不出

南陽府

周長沮

桀溺

俱葉人避世隱居時孔子過葉見沮溺耦而耕使子路問津語在論

語荷蓀丈人

葉人子路從孔子後遇丈人以杖荷蓀子路與之語丈人因止宿焉子路

歸以告孔子曰隱者也語在論語

漢宋勝之

南陽安衆人年五歲失父母遂家于穀城聚中孝慕甚篤聚中人化之少長皆

有禮勝之嘗至長安受易通明以信義見稱從兄
 褒為東平內史遣使召之勝之曰衆人所樂者非
 勝之願也乃去遊太原從郇越牧羊以琴書自娛
 丞相孔光聞而就太原辟之不至元始三年病卒
 于太 **高鳳** 字文通葉縣人少為書生家以農為
 業而顯精誦讀妻嘗之田曝麥于庭令
 鳳護鷄時天暴雨鳳持竿誦經不覺潦水流麥妻
 還怪問鳳方悟復為名儒教授西唐山中不應徵
 辟隱身漁 **樊融** 新野人天水大守曄之子少有俊
 鈞而終 **孔喬** 字子松宛人學古文尚書春秋左氏傳常幽
 莫得瞻見安帝時公 **董班** 字季宛人少游太學師
 車徵不行卒于家 **董班** 字季宛人少游太學師
 非類常耦耕澤畔惡衣蔬食聞固誅乃星行奔赴
 哭泣盡哀守尸不忝桓帝嘉其義烈許送喪葬由
 是顯名三公並辟不就 **婁壽** 字元考南陽人幼而
 班遂隱身莫知所歸 **岐嶷** 有志行好學不
 厭樂沮溺之耦耕甘山林之清尚棲遲衡門樂以
 忘憂邵縣屢辟皆不應大布之衣藜藿之食蓬戶

茅宇樂天知命確乎其不可拔也年七十 **孔嵩** 字
 仲 入卒國人相與論德私謚曰玄儒先生
 山南陽人家貧親老乃變姓名為新野傭友人范
 式行部見而識之把嵩臂曰子非孔仲山邪對之
 嘆息語及平生曰昔與游集帝學吾蒙國恩致位
 牧伯而子懷道隱身處於卒伍不亦惜乎嵩曰昔
 侯羸長守於賤業晨門肆志於抱關子居九筭不
 患其陋貧者士之常豈足為鄙哉傭如故不忝
晉劉麟之 字子驥南陽人光祿大夫耽之族少尚
 質素虛退寡欲不修儀操人莫之知好
 游山澤志存遐逸時車騎將軍桓冲聞其名請為
 長史固辭不受居于陽岐在官道之側人物來往
 莫不投之麟之躬自供給士君子頗以勞累更憚
 過焉凡人致贈一無所受里有孤姥病將死麟之
 先聞其有患故往候之值其命終乃身為
 營棺殯送之其仁愛隱惻若此卒以壽終
南北朝宗炳 字少文南陽人劉宋時屢徵不起妙
 善琴書精于言理每游山水往輒忘
 歸嘗西陟荆巫南登衡嶽因而結宇衡山欲懷向
 平之志會疾歸嘆曰老疾俱至名山大恐難遍觀惟

當澄懷觀道臥以游之凡所游履皆圖之于室謂
人曰撫琴動操欲令衆山皆響古有金弄為諸桓
所重桓氏亡聲遂絕惟炳傳焉宗或之字叔粲炳從弟蚤孤事兄
舉秀才不就公私餼遺一無所受宋元嘉初帝使

陸子真觀采風俗三詣或之每辭疾不見告人曰
我布衣草菜之人生長壟畝何枉軒冕之客劉虬

子真還表薦之徵拜員外散騎侍郎亦不就
字靈預遑陽人徙居江陵抗節好學仕為當陽令

罷官歸齊建元初辟為荊州別駕復徵為國子博
士俱不就時劉昭與虬同宗辟宗測字敬微遑陽

祭酒從事亦不就隱居山中宗測人炳之孫幼
尚靜退不樂人間嘗歎曰家貧親老不擇官而仕

先哲以為美談余竊有感誠不能潛感地金冥致
江鯉但當用天道分地利孰能食人厚祿憂人重

事乎州舉秀才主簿不就齊永明三年詔徵太子
舍人亦不應測善老易庾易字幼簡新野人性恬

續皇甫謐高士傳三卷庾易字幼簡新野人性恬
自娛齊臨川王表薦之餉麥百斛辭不受安西長

史袁承欽其風贈以鹿角書格蚌盤蚌研並贈詩

曰白日清明青雲遠亮昔聞巢許今觀臺向易以
連理几竹翹書格報之建武三年詔徵為司空主

簿不庾詵字彥寶新野人幼聰警篤學經史百氏
就之宅山池居半蔬食布衣不修產業梁普

通中詔為黃門侍郎不起卒謚貞節處士馮亮字
通南陽人博覽諸書隱居嵩山宣武召以為羽林

監領中書舍人固辭不拜蔬食飲水有終焉之志
亮性雅愛山水又兼巧思結架巖林甚

得棲遊之適頗以此聞延昌二年卒

汝寧府

漢戴良字叔鸞汝南慎陽人曾祖父遵平帝時為
侍御史王莽篡位稱病歸鄉里良才高而

論議尚奇多駭俗嘗舉孝廉不就再辟司空府彌
年不到州郡迫之乃行已而復逃入江夏山中優

游不仕魏桓汝南安陽人以清節數被徵辟鄉人
以壽終勸之行桓弗從遂隱居終身不出

周燮字彥相汝南安城人決曹掾燕之後十歲就
學能通詩論及長專精禮易有先人草廬結

於岡畔下有陂田常肆力以自給非身所耕漁則不食也鄉黨宗族希得見者舉孝廉賢良方正特徵皆以疾辭延光二年安帝以玄纁羔幣聘燮曰吾既不能隱處巢穴追綺季之迹而猶顯然不遠父母之國斯固以滑泥揚波同其流矣因自載之類川陽城竟以疾辭

廖扶字文起汝南平輿人習韓詩歐陽尚書教授嘗數百人父為北地太守永初中坐羗沒郡下獄死扶感父以恫喪身憚為吏及服終而嘆曰老子有言名與身孰親吾豈為名乎遂絕志世外專精經典尤明天文讖緯風角推步之術逆知歲荒乃聚穀數千斛悉周給宗族姻親及殮葬遭疫死亡不能自收者州郡公府辟召皆不就嘗居先人塚側

袁閔字夏甫汝南人築室于庭未嘗入城市因號為北郭先生

袁閔字夏甫汝南中閉門不見客旦暮于室中向母禮拜雖子姓亦不得見也子亦向戶拜而公首不著巾身無單衣公車兩徵不起范滂美而稱之曰

王雋字文少汝南人少為隱不違親貞不絕俗可謂至賢矣

范滂字孟博汝南人少為明不應州郡三府之命公車徵亦不至隱居武陵

躬自耕釣獻帝都許復徵為尚

周勰字巨勝汝南書文不就年六十四以壽終

以父任為郎自免歸家父故吏河南召夔為郡將卑身降禮致敬於勰勰恥交報因杜門自絕後太守舉孝廉復以疾去時梁冀貴盛被其徵命者莫敢不應惟勰前後三辟竟不能屈常隱處竄身慕老聃清靜杜絕人

鄭敬汝南人與同郡郭惲隱于事巷每生荆棘焉

常慕從政喟然嘆曰天生俊士以為人也子從我為伊呂乎將為巢由而父老堯舜乎敬曰吾足矣

惲字子將汝南平輿人少峻名節多所賞而姿

許劭字子將汝南平輿人少峻名節多所賞而姿識初與從兄靖好覈論鄉黨人物每月旦輒更其品題故汝南俗有月旦評司空楊彪辟舉方正敦樸皆不就後避地豫章兄虔亦知名時人稱曰平輿淵有二龍焉

南北朝州詔

汝南人宋太始中隱身求志築室澗池之方山徵員外散騎侍郎征北行

泰軍不起

宋陳慥

字季常號龍丘一號方山子本眉州青神人風俗疑峻議論慷慨少時慕朱家郭解

之為人間里之俠皆宗之及壯折節讀書以此馳騁當世然終不遇晚乃逝于光黃間菴居蔬食不

與世相聞

明秦鎬

汝陽人字京家貧性至孝絕意仕進肆力古文辭烈宗時徵辟二次不就詩有穎水

牛瓢巖月細桐江一線野雲寬之句年八十有二題墓石云人間貧孝子地下老書生著頭責齋集

八卷鬚鬢銷夏錄四卷輸餉疏辭坊疏二冊

畢琳

汝陽人字長孺號石潭舉賢書非公事未

嘗一至有司門家甚貧或勸以祿仕為高堂計公

不仕事親教子而外泉石詩酒以終

汝州

漢樊英

字季齊魯陽人少受業三輔習京氏易兼明五經隱于壺山之陽州郡前後禮請不

應公卿舉賢良方正有道皆不行永建二年順帝策書備禮玄纁徵之復固辭詔責郡縣駕載上道

英不得已到京稱病不起至四年天子為英設壇席令公車令導尚書奉引賜几杖待以師傅之禮

延問得失英不敢辭居數月英稱疾篤詔以為光祿大夫賜告歸令所在送穀千斛常以八月致牛

酒如其不幸祠以中牢

河南通志卷之三十二

終

河南通志卷之三十三

仙釋

佛老異端儒者罕道然猶龍西邁宣道德五千言
 法象東來譯經文四十二二氏之興豫實始之至
 虎敬澄公魏營塔寺宋則間用大臣提舉宮觀二
 氏之盛又莫豫若已夫教雖殊途理歸一致因其
 說而折衷之庶不惑于岐趨也作仙釋志

開封府

上古宛丘先生

失其名居宛丘故號宛丘先生服制命九得道至殷湯之末已千餘

歲以其方傳弟子姜若春服之亦三百歲視之如嬰兒狀彭祖師之受其方三首

漢劉諷

穎川人景帝時仕為公車司馬事司馬季

履而鮑靚

陳留人為南海太守嘗遇陰長生授秘

去食之又與葛洪善遂以女妻洪靚

還丹陽卒葬石

取之聞左右兵馬之聲刀上成公

密縣人出行久

其家云我已得仙因辭家而去家人見其李根

許

舉步漸高良久乃沒陳實劉韶同見其事根年已

八十四而根之顏尚如年少有得根素所為書讀

之其自記云以漢元封中學道於

唐神秀

尉氏人少親儒業訪道至蘄州雙峯東山

山置度門寺以旌異之張說問法秀曰一切佛法

自心本有將心外求捨父逃走神龍初入滅謚大

師通禪許碣高陽人累舉進士不第晚學道於王屋

題云許碣自峨眉山訪偃月子到處觀者莫測其

意又嘗醉吟日園苑花前是醉鄉誤觀王母九霞

觴羣仙拍手嫌輕薄謫向人間作酒狂

後於廬江酒樓醉且歌乃乘雲而去

宋張拱抵其人舉進士不第賣藥宜春門忽有道士

年搜矢俱絕神氣明爽日可行郭上竈不知何許

數百里後遊名山不知所終

以備淪湯滌器汴州橋茶肆中一日遇呂嵩隨去

天聖末如磁州謁趙長官曰大數垂盡願施一小

棺乞於棺首穿一穴挿通節竹於穴中以通氣明

日汲水浣身臥槐下遂絕趙異之依其言葬于河

岸是秋水漲趙往張九哥慶曆中居汴京雖盛冬

視之獲棺無尸張九哥單衣流汗浹面燕王奇

之嘗召見與之酒歲餘見王曰將遠遊故來別有

小技欲以悅王乃索黃羅疊剪為蜂蝶狀隨剪飛

去莫知其數少頃呼之蜂蝶皆來復為羅王曰吾

壽幾何曰與開寶寺浮圖齊後浮圖災王亦薨

侯先生

不知何許人慶曆間賣藥京師年四十餘

無髮眉瘤贅隱起偏肌體常半醉夜與丐

者同處有馬元者盛夏隨之出閭闔門浴池中元因就視乃一蝦蟆元遽引退侯浴出着衣元前揖之侯笑曰子適見我乎乃召元飲酒肆中出藥一粒曰服之令子壽百歲此後不復見

志 濮州臨泉人事親以孝聞為轉運小吏不受賂謝嘗遇異人與之丹食之遂狂乃棄妻子結廬

田間時為人言休咎政和三年召至京師封洞微先生朝士多從求書初若不可解後卒應者十八

九嘗獻乾坤鑑法命鑄之既成明年乃懇求歸至濮而死賜金以葬贈正議大夫初王黼未達時父

為臨泉令問黼名位所至老志書太平宰相四文字旋以墨塗之曰恐洩機也後黼敗人乃悟云

通慧 姓張氏名文汴人脫俗白雲寺師令掌厠盟奔華州總持寺久之為長老忽曰三十年前一段

公案今日當了眾問其故曰日午當自知之遂跌坐以待時張浚統兵至關中一卒持弓矢至法堂

瞠目視文將射之文笑曰老僧相候久矣卒曰一見即欲相害不知何讐文語以故卒悟曰冤冤相

報何時了劫劫相纏豈偶然不如與師俱解釋如

今立地往西天視之已立化矣文即索筆書偈云二十三年飄蕩做了幾番模樣誰知今日相逢却

是在前魔障書 **志言** 本姓許氏自壽春來居東京畢泊然而化 **景德寺** 為人卜休咎書紙揮

翰甚疾字體遒勁初不可曉後多驗有具齊薦鱠者則并食之臨流而吐化小鮮羣泳而去海客遇

風且沒見僧操短引船而濟客至都下志言謂客曰非我汝奈何客猶記其貌真引舟者也後卒仁

宗以真身塑像置寺 **王志明** 幼入端雲宮學道後中榜曰顯化禪師 遊太華少室諸名山

遇異人授以飛仙之術辟穀竟日不出一日整潔衣冠謝諸友曰我以某日上昇眾笑以為狂至期

果乘所畜白鶴飛去 遂易宮名為白鶴觀

金訾巨 嘗師丹陽馬鈺長春丘處機自號守真子人稱訾仙翁遊歷濟南抵鄭之釣臺秦和

間大雪丈餘巨不出者已十餘日人以為死除雪視之端生儼然殊無寒餒色貞祐間大兵破關陝

軍民恐懼巨曰無妨已而果然

明勝安 號古峯俗姓周幼禮彌陀寺戒律精嚴道
 招提四十餘所永樂中移居祐國寺一時緇黃之
 士從者雲集後以疾而逝停龕三日飛煙環繞閣
 維之得舍利疑聚五色
 精瑩如珠觀者異之

歸德府

周寇先

宋人以釣魚為業居睢水旁百餘年得魚
 或放或鬻或自食之冠帶不去體好蒔荔

枝日取飽實食焉宋景公召見之問其道不告公
 怒而殺之後數十年踞于宋城門鼓琴十餘日而
 去

墨子

名翟宋人仕宋為大夫外治經典內修道
 術著書十篇號曰墨子世多崇之公輸子

嘗為楚造雲梯以攻宋墨子說楚王而罷之墨子
 年八十有二乃嘆曰世事已可知榮位非常保將

委棄流俗與赤松遊耳入周程山精思道法想像
 神仙於是數聞山間誦書之聲夜臥有人以衣覆

之墨子起曰君豈非山嶽之靈乎願誨以道教神
 人曰子有仙骨志且好道故來相候耳乃授以秘

書墨子遂隱居以避戰國至漢武帝時遣使者楊
 偉來聘不出視其顏色常若五十許人周游五嶽

不知所終

宋丁少微

亳州真源人為道士隱華山潼谷密邇
 陳搏所居志尚清潔善服氣多餌藥百

餘歲康強無恙太宗召赴闕以金丹巨勝
 南芝玄芝為獻留數月遣還山七年而卒

彰德府

漢犢子

鄴人少在黑山採松子茯苓餌服之且數
 百年時壯時老時好時醜時人乃知其仙

人也陽都沽酒家有女眉生而連耳細而長眾以
 為異會犢子牽一黃犢過女悅之遂隨犢子出取

桃李一宿而返皆連兜其美邑中隨伺逐之出門
 共牽犢而走人不能追也旦復在市中數十年乃

去後人於潘山下見其冬賣桃李云
蕭綦 漢未修道天平山延壽宮
 善吹簫能致鳳凰翔集號

碧霄真人道成白日冲舉

晉單道開

燉煌人常衣麤褐或贈以緇帛皆不著不畏寒暑晝夜不臥石虎時至鄴虎令

佛圖澄與語不能屈也居臨漳昭德寺日服鎮守藥數九其藥有松蜜薑桂茯苓之氣時復飲屠蘇

一二升而已自云能瘳目疾就瘳者皆驗視其行動狀若有神後至南海羅浮山中年百餘歲卒

南北朝道豐

北齊時人不詳氏族與弟子三人居相州鼓山中不求利養世之術藝無

所不解文宣帝往來於鄴常過問之應對不事標舉帝嘗賜酒并蒸豚道豐即啜飲不辭帝大

笑少頃駕去道豐謂弟子曰除去牀頭物及發撤牀見蒸豚酒俱在不似啜嚼者後臨終謂弟子曰

吾在山久汝等有取汲之勞今去當遺以一泉乃於庖舍前去一方石遂有玄泉澄映不盈不減至今猶存

金李志方

初名孟安陽人宣宗時補為戶部令史中原多故棄官隱隆慮山坐鍊久之謁

丘處機號重玄子嘗主天慶宮有鶴繞壇之異平生不作詩惟羽化時留頌曰四大既還木一靈方

到家白雲歸洞府明月落樓霞投筆而逝

寶公

姓武氏磁州人慧性超絕大定初於盜陽造仰

山寺殿宇華麗柱上作金龍像蟠之忽有題詩柱上者曰人道班鳩拙我道班鳩巧一根兩根柴便

是家緣了寶公大悟即入西山結茅以居後徧歷諸山住嶼峪寶嚴寺一夕大風震地端坐而逝

衛輝府

宋劉海蟾

政和間新鄉縣白鶴觀知事崔重微忽見道士謁於堂下揖之坐不語但微晒

重微起取金相贈未入房已聞弄筆聲急回視道士失所在壁間有題字以仙書證之乃劉海蟾之

筆也昶公輝縣人自幼穎悟精勤戒律住持白茅寺一日策杖閒游謂其徒曰寺東山塢間修

篁古栢異於他境乃吾棲真之所竟如其言

懷慶府

虞尹壽子

居河陽說道德經教以無為之道又傳道與彭祖一云作通玄真一經七十卷

道德經千二百卷 瑕丘仲 甯人賣藥於甯百餘年一日地壞仲死里人棄仲尸於水中收其藥賣之少頃仲披裘而至里人惶懼謝罪仲曰非恨汝也使人知我耳後復至甯世謂之謫仙人

漢毛伯道

不知何許人與劉道恭謝雅堅張兆期同學道於王屋山四十餘年其合神丹

成伯道先服卽死道恭服之又死雅堅兆期不敢服棄藥而歸未出山忽見伯道道恭各乘白鹿

在山上仙人執節從之二人悲愕悔謝 稷丘君 太行

山下道士武帝時以道術受賞髮白再黑齒落更生帝東巡太山君乃冠章甫衣黃衣擁琴而迎拜

于道左止帝勿上上必傷足指及數 趙叔期 不知

里右足指果折帝諱之但為君立祠 趙叔期 何許

人學道於王屋山時時出民間聞有卜者在市叔期往見之卜者曰欲入天門調三關存朱衣正崑崙叔期知為異人因叩首請其要道卜者乃授以胎中記一卷叔期拜受之後丹就而昇大

唐司馬承禎

字子微溫人博學能文隱天臺山玉霄峯自號白雲子師事潘師正得辟

穀導引之術睿宗召問其術對曰為道日損損之又損以至無為帝曰理身則爾理國若何對曰

國猶身也游心于澹合氣于漠順物自然而無所私則天下理帝嘆曰此廣成子之言也辭歸賜以

寶琴花帔後玄宗詔於王屋山置壇室以居之一日忽曰東華君召我矣乃蟬蛻而化弟子葬其衣

冠時年八十有九 王太虛 不知何許人隱居王屋

賜謚貞一先生 王太虛 山洞中咸通間王屋令

王琮志崇玄教棄官絕穀聞山洞有真人遂往求

之入洞中見石牀上有古經一軸琮再拜祝之忽

一人出語之曰吾東極真人王太虛也此黃韓湘

庭經乃吾所注者授之子當珍之言訖不見 韓湘

修武人愈之姪孫落魄不羈愈勉之學對曰湘所學非公所知乃賦詩有解造逡巡酒能開頃刻花之句愈曰子能奪造化邪曰試為之乃聚土以盆覆之良久花開葉上出金字一聯曰雲橫秦嶺家何在雪擁藍關馬不前且日久之自驗後愈貶潮州途中遇雪會湘來迎詢其地乃藍關也遂足成

一詩以
貽之

五代烟蘿子

姓燕氏志失其名王屋人晉天福間
耕于陽臺宮之側得異參舉家食之

遂拔宅上昇今有洗參
池仙猫洞皆遺跡也

宋賀蘭

號棲真不知何許人自言百歲善服氣往
往不食始居嵩山紫虛觀後徒濟源奉仙

觀真宗召至闕應對稱旨真宗奇之賜號宗玄大
師資以紫服白金仍蠲觀之田賊未幾辭還舊居

祥符三年卒時天大雪經
三日頂猶熱人多異之

元丘處機

字通密山東棲霞人自號長春子嘗寓
居修武縣清真觀研精玄學世祖召見

每言為治在敬天勤民長生在清心寡欲世祖然
其言命左右書之時國兵踐蹂中原河南北尤甚

民罹俘馘無所逃命處機使其徒持牒招之由是
為人奴者得復為良及濱死而得更生者無慮數

萬人中州人
至今頌之

明張蒙山

不知何許人寓温縣麒麟村大廟內與
衆叟坐廡下忽瞑目少頃出蒸食以獻

言在某家所化其人歸家驗之果然其他幻
術多不可測後忽言渴甚投于井不知所往

忠

字如心萬曆間學道于金爐山得舍身磨性之
術携二木毬白晝自山下蹋鞠于上夜則擲于

下雖崩崖亂樹中必摸索得之人以為
狂一日辭衆言某日仙去至期果然

河南府

周尹喜

周大夫為函谷關令善內學隱德修行時
人莫知之老子西游喜先見其炁知有真

人當過物色而候之果得老子老子亦奇之為著
書以授後與老子俱遊流沙莫知所終喜亦自著

書九篇號

宋倫

洛陽人厲王甲辰歲凝神慕道事
日關尹子老聃授之上道能飄然飛步凌波

涉險或化麋鹿或為鳩鴿弋獵者自不能近或為
蟲癩之人與病者寢處自然疾瘥宣王丁巳歲遂

上昇

王子喬

名晉周靈王太子生而神異好吹笙
作鳳鳴遊伊洛間道士浮丘公接上

嵩高山三十餘年去之後復至其山見桓良曰告我家七月七日待我緱氏山頭至日果乘白鶴駐山巔望之不得到舉手謝時人而去浮丘伯姓李居嵩高山修道白日

伏龍亦藏龍藏先伏虎但畢河車功不用隄防拒諸子學飛仙狂迷不得住左右得君臣四物相念

護乾坤法象成自有真人顧又著相鶴經王子喬傳祝鷄翁洛人居尸鄉北山下養鷄百餘

年鷄有千餘頭皆立名字暮棲樹上晝放散之欲引呼名卽至賣鷄及子得錢千餘萬輒棄去之吳

作養魚池後昇吳山白鶴孔雀數百嘗止其傍云鬼谷子姓王名詡楚人嘗人雲夢山採

藥得道顏如少童居清溪之鬼谷蘇秦張儀嘗問道三年辭去鬼谷曰二子輕松喬之永壽貴一旦

之浮榮惜哉鬼谷處人間數百歲後不知所之或曰嵩高之陽城亦有鬼谷

漢河上公不知姓氏文帝時結廬河濱時帝好老

貴非可遙問於是帝遂枉駕問之授老子章句二卷曰熟研此其疑自解今有河上公廟在陝州北

王興

陽城人常居宛谷中武帝元封二年登嵩高山見一仙人耳出頭頂下垂至肩帝因問之

仙人曰聞此山有石菖蒲一寸九節服之可以長生故來采之言訖忽失所在時興聞其言乃采服

之不息后爲蒲江主簿聞懸境有仙靈遂棄官隱於秋長山山下有洞穴中有千餘歲金蟾世傳見

此蟾者當得道又有瓊花樹花開卽有昇仙者與修鍊居此山者九載忽瓊花吐艷金蟾躍出遂引

入洞中遇金液之丹拜薊子訓不知何許人建安而服之後果白日昇天未至洛陽有神異

公卿以下侯之者恒數百人皆爲設酒脯終日不匱後因遁去有人於長安東霸城見與一老人共

摩娑銅人相謂曰適見摩騰本中天竺人解大小鑄此而已近五百歲矣

以問羣臣傳毅曰臣聞西域有神其名曰佛陛下所夢將必是乎乃遣中郎蔡愔等往天竺尋訪因

見摩騰要還中國於洛邑西門外立精舍以處之遂譯四十二章經後卒於洛陽中國有沙門自騰

始竺法蘭中天竺人誦經論數萬章爲學者師與摩騰同入中國其言皆有徵信蔡愔所

得西域經多蘭所翻譯

晉佛圖澄

西域人永嘉中來洛陽善念神呪能役使鬼物言事無不驗左乳旁有一孔通

腹內時以絮塞之遇夜拔絮一室洞明或臨流引腸洗之已復納入石勒石虎甚敬事之比死之日

有人見於流沙虎既殮澄疑其不死因發墓開棺視之唯見一石虎虎曰師葬我而去矣未幾虎死

阿羅竭

未詳氏族誦經二百萬言獨宿山野在武帝時嘗至洛陽時患疫竭為呪治十瘥八

九元康初止婁至山石室中去水甚遠竭以左脚碾石壁壁陷水出比卒闍維之焚爍累日尸不煨

耆域

天竺人周流華戎人莫能測惠帝未還石室嘗至洛陽時南陽滕永文寓蒲水寺

足孿屈不可行域取淨水楊枝呪之永文起行如故一日辭還天竺洛中沙門數百人各請域食域

皆許往明日五百舍皆有一域已而行衆皆送至城外域徐行追者不能及也是日有從長安來者

見域在彼寺中賈客胡濕登又謂是日將暮逢域於流沙計九千餘里云

南北朝跋陀

天竺人一稱佛陀學務靜攝博通經法孝文帝一見敬隆誠至隨遷定都

伊洛勅設靜院居之陀性愛幽棲林谷是託屢往嵩嶽擬謝人世未幾帝勅就少室山為之造寺今

達磨禪師

南天竺婆羅門種神慧踈朗聞是也皆曉悟梁武帝普通初至廣州

刺史表聞武帝遣使詔迎至金陵帝親問曰朕即位以來造寺捨經度僧不可勝數有何功德師曰

並無功德此但人天小果有漏之因雖有非寶帝曰如何是真功德師曰淨智妙圓體自空寂如是

功德不以世求帝問如何是聖諦第一義師曰廓然無聖帝曰對朕者誰師曰不識帝不省師遂去

梁折蘆一枝渡江北趨魏境尋至維也初止嵩山少林寺終日面壁而坐九年逝焉葬熊耳山魏宋

雲奉使西域迴遇師于葱嶺見手携隻履翩翩獨逝雲問何去曰西天去又謂曰汝主已厭世雲聞

之茫然別師東邁暨復命明帝已登遐矣迨孝莊卽位雲具奏其事帝令啓壙視之惟空棺一革履

存慧可

虎牢人姓姬氏出家于永穆寺忽于寂默焉中見神人謂曰將欲受果何滯此耶大道

非遙汝其南矣遂造少室師事達磨晨夕參承盡得其傳師將示寂西返天竺乃顧慧可而告之曰昔如來以正法眼傳伽葉展轉傳受以至於我今傳汝汝當護持并授袈裟以為法信可跪受其衣今稱**僧稠**姓孫氏系出昌黎性度純懿一覽佛二祖云**僧稠**經撰然神解嘗住嵩嶽寺僧百人泉水僅足其用忽一婦坐階上聽經衆不知為神也乃呵遣之婦怒以足蹋泉水立枯竭身亦不現衆懼告稠稠呼優婆塞者三婦乃出稠曰衆僧在此神宜擁護婦復以足撥於故泉水即上涌衆嘆異之後詣懷州西王屋山聞兩虎交鬪咆響震巖乃以錫杖中解各散而去

唐萬迴姓張氏閩鄉人初父命耕田迴直去不顧坑見阻乃止父怒擊之迴曰總耕何分彼此乃止擊而罷耕兄戌役於安西父母憂思迴乃裹衣糗朝往視之暮返其家弘農抵安西蓋萬餘里故號曰萬迴先是玄裝詣西域取經見佛龕題曰菩薩萬迴謫閩鄉裝馳至閩鄉見萬迴施三衣餅鉢而去後臨終呼其徒求本鄉河水弟子莫知所求迴

曰堂前是河水湧出飲竟而終**一行**姓張氏讀書不井忽然河水湧出飲竟而終**一行**再已暗誦矣師事普寂禪師出家披剃於嵩山師嘗設食於寺犬會羣僧時有盧鵠者道高學富隱於嵩山因請鵠為文讚嘆其會至日鵠持其文至寺其師授之置於几案上鍾梵既作鵠謂普寂曰某為文數千言况其字僻而言怪蓋於群僧中選聰悟者授之寂乃令一行既至伸紙微笑止於一覽復置几上鵠輕其疎脫而竊怪之俄而群僧會于堂一行攘袂而進抗音典裁一無遺忘鵠驚愕久之謂寂曰非君所能教也後受天台異人數學所著有大**玄奘**行玄圖及易訣一卷開元末滅度於嵩山

姓陳氏名禕緱氏人武德中住莊嚴寺受諸經論一聞不忘後徧遊荆楊等州訪諸道隣復還京輦貞觀初往西域求經至罽賓國道險不可過樊閉室而坐夕見一老僧授以心經一卷誦之遂得坦途虎豹潛跡至佛國取經六百餘部以貞觀十七年還令住玉華翻譯經藏麟德初告門人曰有為之法必歸磨滅泡影形質何得久停行年六十五必卒至期果然色貌如常葬於白鹿原初奘將往

西域手撫靈巖寺松枝曰吾西求佛教汝可向西而長若吾歸卽却東廻使吾門弟子知之及去其枝年年西指約長數丈一日忽東向弟子曰吾師還矣乃西迎之果至至今稱其松為摩頂松云

明達 不知所從來住闕鄉縣萬迴故寺人謁問侍

郎扈從西還謁達達加秤於其肩至京遂作相李雍門為湖城合達忽請其馬雍門不與間一日乘

馬將出馬忽庭中人立雍門墜馬而死達嘗當寺門北望言曰此川中兵馬何多也及哥舒翰擁兵

潼關拒逆闕鄉 **王旻** 居洛陽青羅山鄉里見之已盡為戰場矣 **王旻** 數百歲開元中召至京待以

優禮復遣從李元靖求補僊書還請歸舊山不復入城嘗與達奚侍郎友善後旻死猶杖履詣達奚

人始知其 **申泰芝** 洛陽人從居長沙嘗遊息南嶽尸解云 訪神仙之文一夕於祝融頂遇

真人傳金丹火龍之術遂能乘 **呂崑** 字洞賓京州虛神遊隱顯出入人不能測 人號純陽子

天寶末三舉進士不第遊江湖間遇鍾離子授金液大丹之術年五十道始成嘗騎白鹿兩過宜陽

錦屏山俱有題咏今山 **自在禪師** 學道既成欲幽上煙霞亭石刻存焉 栖名山問於師

曰逢牛則止比行至嵩南山問路或告曰此野牛嶺也嶺一野牛據林莽截路噬人卽獵者亦不敢

施機械爾孤行且止自在默然憶師語而進至嶺果見野牛作法祝之牛馴伏自在遂跨以行語曰

若到吾刹卽止行至下雲岩寺牛止自在曰此地雖佳而狹小更進之乃行至上雲岩寺止自在曰

可矣下牛跌坐而牛奔突直上後山絕頂躍入池中俄而雲起晝晦有龍見形橫騰東西兩山之上

自在祝云娑伽娑伽夙性未化見大法身驚駭徒衆可仍池中吾為說法於是龍斂形復入池中今

岳頂小池圍丈曰龍池卽此按佛經譯語牛化龍曰娑伽龍云

五代辛七師 陝人爲兒時甚謹肅未嘗以狎弄爲事父母異而憐之十歲好浮圖氏闔

佛書自能辨梵音不由師教其後父爲陝郡守先是郡南有瓦窑七所及父卒于宦辛七哀甚而狂

遂遁去其家僮跡其所往至郡南見辛七在一瓦窑中端坐身有奇光燦然若煉金狀家僮驚異次

至一窞又見一辛七在焉歷七窞俱有阿足師知

一辛七在中由是陝人呼為辛七師阿足師知

何許人寓居闕鄉時有所言靡不先覺陝州巨室

張臻者生一男年十七愚騃且孿手足父母鍾愛

迎醫求藥不遠千里數十年家業殆盡聞阿足能

先知乃携其子來求拯濟阿足見之謂臻曰此汝

之冤也念汝竭誠遠來當為汝除之即選日令於

河上致齋廣召僧眾至期阿足使壯力者拽其子

投之河流觀者如堵莫測所為阿足謂臻曰為汝

除災矣良久其子忽於下流數步外立于水面載

手謂臻曰與爾有宿冤今賴賢聖

與汝解矣須臾沉水不知所適

宋柴通玄

闕鄉人為道士於承天觀年百餘歲善

下懇求歸真宗祀汾陰召至行在命坐訪無為之

要上作詩賜之并賚以茶藥東帛詔修其道院蠲

其田租度弟子二人明年通玄作遺表自稱羅山

太一洞工遣弟子詣闕以龜鶴為獻又召官僚士

庶言生死之要夜分

王仔昔 洪州人始學儒自言

盥濯然香遲明卒 遇許遜得秘傳出遊

嵩山能道人未來事政和中徽宗召見賜號冲隱

處士帝因早禱雨遣使持紙求仔昔至則篆符其

上乃細書焚符湯沃而洗之使者懼不敢受強之

乃持去蓋帝默祝為宮妃洗赤日者依其言一沃

立愈進封朗然子 姓劉名希岳字望嵩漳水舉人

通玄先生 棄儒歸玄居水南之通玄觀事

跡靈異一日忽辭鄉人言次日當遠行至期鄉人

相約聚送見其擁袖兀坐漸漸縮入久而失其所

在止有衲衣存焉舉首望空見彩雲軒軒而上乃

知飛昇也所著詩三十首悉修煉秘訣今刻于樓

霞宮邢和璞

不知何許人善筭心術凡人心中之所

石上 計布筭而知之卜居嵩頴間石堂山

之洞著頴陽書云篇復能以法活死者文多

不載宋歐陽脩作石堂山隱者詩以贈之

金劉處玄

字通妙號長生子武官人人定十八年

得石井衆方駭異處玄曰不遠數尺更有二井此

三生前修煉處鑿之果然金主召問至道之要對

曰寡嗜欲則身安薄賦斂則國泰金主悅勅以故

寓菴為靈虛觀以居之一日鳴鼓集衆告以去期

乃曲肱而逝
孫仙姑 名不二寧海人馬丹陽之妻受道於玉重陽後從風仙姑遊居洛六

年忽謂弟子曰真師有命當赴瑤池遂更衣跣跌而化

元丘長春 世號丘神仙著 緊那羅 西天菩薩也至有道書行于世 正初至少林蓬

頭裸背跣足厨中作務數年至十一年紅巾賊至少林僧乃持一火棍出變形數十丈獨立高峯賊

見驚遁僧大叫曰吾緊那羅也言訖不見

明正道 字無言新建胡氏子初祝髮于上藍寺嗣受戒于無盡和尚徧參諸方至少林得法

于幻休潤公潤公陞座問如何是洞上家風潤公曰月下三花樹峯前雙桂枝又問日和尚還別有

麼曰惟此一事實師于言下大悟即呈偈曰雲攢峯頂月鎖幽巖木人拊掌石女舒顏潤公印可會

少林虛席領衆十九載陞座二次或普說或小叅莫不摧彼疑城登之覺岸周藩皈依為造溪南隱

居云

南陽府

漢陰長生 新野人和帝后之曾祖不好榮位專務道術聞馬明生者得度世法乃求見於

太和山中執役二十餘年不懈乃偕人青城山立壇歃血以太清金液神丹授之丹成著書九篇白

日昇天 南陽公主 下嬪王咸緩和問王莽秉政謂咸曰國危世亂但當退而修身

咸不能從公主遂於華山結廬歲餘精思丹道乘雲冉冉而去咸追之昇層嶺漠然無迹忽於嶺上

見遺朱履一雙取之已化為王喬 河東人顯宗時石後人名其峯曰公主峯 為葉令有神術

每月朔望常自縣詣臺朝帝帝怪其來數而不見車騎密令太史伺之其至有雙鳧從東南飛來

乃候其至而羅之得雙鳧則四年中所賜尚書官屬履也每當朝時葉門下有鼓不擊自鳴聞于京

師后天下土棺于庭前喬乃沐浴服飾寢其中蓋自立覆葬于城東一夕土自成墳百姓為立廟祀

之吏人所禱無不如應焉

晉麻衣子

姓李名和生而緝髮美姿稍長厭世遂入終南山遇一道者授以道秘戒之日

南陽之間湍水之陽有山靈堂巖洞其旁神開汝鄉汝則往之可以翁神功於蒼茫麻衣往求之遇

樵者導至其所居洞中十有九年義熙間大旱居民張奭率眾請焉麻衣以無術拒之請者不輟一

夕忽有少年十二人謂麻衣曰若再講但許之麻衣怪而諾之翼日雨果大至十二人復來拜曰吾

屬龍也上帝以師道業成勅令輔陳永伯南陽人師行化耳劉宋大明初端坐而逝

王七星散方試合服之二十八日忽然不知所在永伯兄子名增族年十七亦服之其父繫其足閉

密室中晝夜守之滿二十八日亦復不知所之本方日服三十日而失其所在後人不復敢服服之者臨去必有仙官來

迎之但人不可見耳

唐天然

初習儒業將舉進士道遇禪客曰選官何如選佛天然悟即謁馬大師大師曰我子

天然遇留即止後振錫南陽見山巒疊出方四顧之頃忽見一老人云此大雷二留三留之山也師

因憶大師之言遂棲止之唐長慶中示寂丹霞觀寶曆初謚智通禪師塔號曰妙覺云

五代法聰

新野人八歲棄俗至襄陽傘蓋山白馬泉築室以棲梁晉安王來都襄雍乃造

禪室見堂內有虎聰以手按其頭虎即閉目伏地王因告境內虎災聰即入定須臾七大虎至聰

命弟子以布繩繫頸而去自是無害所居夜有光明照數里不假燈燭年九十二端坐而化

宋景知常

鄧州人少從趙龜禩學道顏如渥丹太宗知其名召至俄辭去嘗遇呂真人時

或語唐昭宗以來事殆數百歲或禱寒浴溪或大暑偃地有書生病憊噓酒飲之即能行所居夜神

光滿室卒舉其棺甚輕張虛白鄧州人通太乙六開視惟衣衾有異香焉

真人得秘訣徽宗聞其名召管太乙宮恩賚無虛日官太虛大夫金門羽客出入禁中終日論道無

一言及時事曰朝廷事有宰相在非予所知也金人尤重之忽一日語人曰某年月日吾化期也至

然

張仙姑

南陽人有秘術人有疾仙姑輒目潛為布氣攻之俄覺腹熱如火已而

鳴聲如雷雖沉痾者無不愈徽宗嘗召至東都後不知所終

雲定 平山人生而家每日法離文字豈可溺於筌蹄遂遊歷四方城之東有名刹曰普嚴乃得遺址募緣重建緇流爭歸之預知圓寂其徒建塔刻銘以紀其實

明智通

燕人自幼神清貌秀穎悟善記初慕全真即聞奧旨夙契膈合往遊大乘山因駐錫焉久之緇素雲集永樂中召至京師居天界寶刹端坐而化

汝寧府

周任光

上蔡人善餌丹賣於都市里間積八九十年面顏如數十歲趙簡子聘與俱歸常住栢梯山上後不知所往

漢費長房

汝南人為市吏有老翁賣藥懸一壺於肆市罷輒跳入壺中市人莫之見獨長

房於樓上見之異焉因往再拜奉酒脯翁乃與俱入壺中惟見王堂嚴麗旨酒甘醴盈衍其中共飲畢而出後長房欲求道顧家人為憂翁乃斷一竹杖懸之舍後家人見之即以為長房縊死遂從入山授以秘術及歸自謂去家適經旬日而已十餘年矣家人謂其久死不信長房曰往日所葬但竹杖耳乃發棺視之果然初桓景嘗學於長房一日謂景曰九月九日汝家有大災可令家人作絳囊盛茱萸繫臂登高山飲菊酒禍可消矣景如其言舉家登高山夕還見牛羊雞犬皆暴死焉

晉許遜

汝南人博通經史尤嗜修煉之術舉孝廉

金俾民得輸負租為符呪以治疫活數千人後得飛步斬邪之法時西安有蛟物及上遠有巨蛇為民害遜皆斬之至豫章復有老蛟及其黨甚眾遜蹤跡得之斬除無遺由是水妖絕迹又遊韶陽郴衡諸郡除害尤多寧康甲戌年已一百三十六歲忽一日羽蓋幢車自天而下登車與其弟子家屬四十二口同時昇

許邁 字叔玄遜之從弟也未弱舉鷄犬亦飛去

遇泰之上六爻曰君元吉自天宜學升遐之道後
遍遊名山採藥服氣乃改名玄字遠遊人臨安西
山著詩一十二首莫知所終

許穆亦遜之從弟入華陽洞得道
之得為佐卿仙侯幼子羽小字玉斧為侍宸仙翁
後雲林夫人與穆書云玉醴金漿交梨火棗當與
山中許道士不

與人間許長史

南北朝慧思 姓李氏武澤人以大小乘定慧等法
根引喻俾習慈忍行奉菩薩三聚戒

衣服率用布寒則加以艾北齊天 知顛 天台山智
保中駐錫光山縣靜居山梵天院

天嘉初謁慧思於大蘇山思一見即謂曰昔靈鷲
同聽法華經今復來矣即示以普賢道場說四安

樂行帥入觀三七日身心豁然
慧思曰非汝弗證非吾莫識

唐僕僕先生 居舊儒居縣黃土山嘗餌杏丹乘雲
往來刺史李休光以為妖叱左右執

之龍虎見於其側先生乘之 應爨節 汝南人生不
而去天寶初因以僊居名縣

慧長遊天台龍虎山師馮惟良得上清大法栖真
天台之道元院日誦黃庭太洞二經為人致福數

致感應忽一日沐浴入靜凝神翌日解化是
夕清香馥郁猿鳥悲鳴及就窆但空棺而已

宋褒信道人 失其名與人較奕每局祇讓人一子
後卒於褒信託後事于一村叟數年

叟為改葬但空棺衣衾而已道人出詩云爛柯真
訣妙通神一局曾經幾度春自出洞來無敵手得

且饒人 饒人處

元楊道和 上蔡人生而奇異有相人者見之曰此
子仙風道骨非風塵中人及長棄俗修

道居蔡之白雲洞復值至人授以仙訣
至元初忽白日獅舉後有人見之淮上

明孫樂庵 採藥商山偶于市化柴薪至邑東南崇
國寺後山之巔坐柴薪中吐火化身火

焰閃裂合掌端凝肺肝燎灼後有遇
于塗孫曰吾已脫身去言畢不見

汝州

上古廣成子

軒轅時人隱居汝州崆峒山石室中黃帝造問治身之道荅曰至道之精

窈窈冥冥至道之極昏昏默默無視無聽抱神以靜形將自正必靜必清毋勞爾形毋搖爾精乃可

長生慎內閉外多知為敗我守其一而處其和故千二百年未嘗衰老乃授帝陰陽經帝悅乃命奏

鈞天之樂至今有臺名曰鈞天

晉張元化

葛玄弟子嘗寓汝州清溪觀一日召道士周元亨曰吾化之後毋損吾軀既化

元亨遵其命葬之後五年有汝卒成於蜀者逢一道士於山峽間謂曰汝為我持此書與胡司馬周

尊師卒歸投書二人開緘觀之乃元化親札謝二人葬之厚也發塚視之惟空棺有故履存焉宋政

和開封冲

馬丹陽

法名玄寶相傳月陽遇重陽子食瓜自蒂怪而問之荅曰香從

臭裏出甜向苦中來豁然警悟遂於此修道成真今城北街有丹陽觀

唐貞禪師

天元間駐錫風穴山嘗習衡陽三昧其化大行一夕溘然示寂守宰李暹閣維

之得舍利千粒玄宗謚為七祖

明張三丰

遼東人或云寶雞人洪武初往來襄鄧許穎之間嘗居汝州鍊真宮人莫之識

已而去又寓汴延慶觀時大理卿王公宇為嬰兒三丰過其里見而異之謂人曰此兒它日必貴顯

後果如其言天順二年羽化于成都鶴鳴山詔封通微顯化真人

河南通志卷之三十三終

河南通志卷之第三十四

方伎

方伎小數也而周禮載之不廢是以馮相保章瘍醫太卜之家藝通乎道聖人擇焉夫黍豆緣木而教御張旭觀劍而悟書猶且神而識之况夫學精星緯術善刀圭以福世而澤物者乎作方伎志

開封府

周禪竈

鄭大夫靈王十八年竈與子羽晨過伯有之門見其門上生莠子羽曰其莠猶在乎

於是歲在降婁降婁中而旦竈指之曰猶可以終歲歲不及此次也已及其亡也歲在姬訾言之口其明年乃及降婁至是鄭人殺伯有如其期焉又景王十二年陳災是時陳已被楚所滅竈曰五年陳

將復封封五十二年而遂亡子產問其故竈曰陳水屬也火水妃也而楚所相也今火出而災陳逐楚而建陳也妃以五成故曰五年歲五及鶉火而後陳亡故曰五十二年及敬王四十四年楚公孫朝果滅陳

南北朝許遵

雍丘高陽人明易善筮兼曉天文風角占相逆測其驗若神齊神武引為

館客自言祿命不富貴不橫死是以任性疎誕多所犯忤神武常容惜之芒陰之役謂李業興曰賊為水陣我為火陣水勝火我必敗果如其言其子暉亦學術數遵嘗謂曰汝聰明不及我不勞多學唯授以婦人產法豫言男女及產日無不中武成時以此數獲賞焉魏紹滎陽人善試之使與郭生卜二伏牛何者先起卜得火兆郭生曰赤牛先起紹曰青牛先起景問其故郭曰火色赤故知赤牛先起紹曰火將然煙先起褚澄字煙上色青故知青牛先起既而如紹言通陽翟人尚宋文帝女廬江公主拜駙馬都尉善醫術齊高祖建元中為吳郡太守百姓李道念以

公事至郡澄望而謂曰汝有異疾答曰舊有冷疾至今五年眾醫不差澄曰汝病非冷非熱當是食白淪鷄子過多所致令取蘇一升煮服之始一服乃吐出物如升挺裹之能動開視之一鷄雛也羽翅瓜距其足能行走澄曰尚未盡更服所餘藥又吐鷄如前者十有三疾遂差當時稱妙歷遷左戶尚書所著醫論十篇褚該字孝通陽翟人幼而世稱褚氏遺書是也褚該謹厚善醫術仕梁歷武陵王府參軍隨府四上後與蕭撫同歸周自許爽死稍為時人所重賓客迎候者無虛日天和初位縣伯下大夫進授車騎大將軍儀同三司該性淹和不自矜尚伯有請之者皆為盡其藝術時論稱其長者後以疾卒子則亦傳其家業

隋劉祐

滎陽人開皇初為大都督封索盧縣公其所占侯如合符節文帝甚親之初與張賓

劉輝馬顯定曆後奉詔撰兵書十卷名曰金韜帝善之又著陰策等書數十種行于世

許智

高陽人少以醫術知名文帝以為散騎侍郎使詣揚州會秦王俊有疾上召視之俊夜夢其二

妃崔氏泣曰本欲相迎聞許智藏至為之奈何明夜復夢崔氏曰妾得計矣當入靈腑中以避之及智藏至胗其脉曰疾已入心不可救矣後數日果死上奇其術賚物百段宗人許澄亦以醫術顯於時仕為兖州軍長史入長安與姚僧垣齊名後拜上儀同三司封賀川縣伯

唐吳道玄

陽翟人仕為兖州瑕丘尉少學書于張旭賀知章不成因工畫其筆法超妙為

百代畫聖玄宗召入供奉為內教博士非有詔不得畫

甄權

扶溝人以母病

為秘書省正字稱疾免魯州刺史庫狄嶺苦風患不得引弓諸醫莫能療權謂曰將弓箭向梁一為

鍼可以射矣果如其言貞觀中權已百歲太宗幸其舍視其飲食訪其藥性授朝散大夫賜几杖衣服尋卒所著有脉經針

方明堂人形圖各一卷甄立言

權之弟為太常丞杜淹患風毒發腫

帝遣立言視之立言曰從今十一日午時必死果如其言時有尼明律患心腸脹滿彌二歲不愈立

言診之曰其腹內有蟲誤食髮致之因令餌雄黃少頃吐一蛇如人手小指無目燒之猶有髮氣其

疾乃愈立言尋卒撰本草音杜生許州人善易占義七卷古今錄驗方五十卷

從追生戒曰自此行途使者懇丐其鞭若不可則以情告其人果值使者於道如生語使者異之曰

去鞭吾無以進馬可折道旁夔代之乃往折夔見亡奴伏其下獲之它日又有奴亡者生令持錢五

百伺于道見進鷄使者以可市其一必得奴俄而使至其人以情告使者以一與之忽飛集灌莽生往

取之而得亡奴眾莫不以為神

五代趙修已

後儀人少精天文推步之學晉天福中滑州節制李守貞表為司戶參軍

留門下每從守貞出征占候軍事多中奏試大理評事賜緋後守貞鎮蒲津陰懷異志修已屢以禍

福論之不聽遂辭疾歸明年守貞果叛幕吏多伏誅獨修已得免周世祖鎮鄴奏參軍謀會隱帝誅

楊邠等將害世祖修已知天命所在勸世祖曰雖欲殺身成仁何益於世不如引兵南渡請闕自訴

則明公之命是天所與也世祖然之遂決渡河之計及即位改鴻臚卿遷司天監

宋楚衍

開封人少通四聲字母又於九章緝古綴

經善推步陰陽星曆之數間語休咎無不中自陳

召試宣明補司天監學生遷保章正天聖初造新

曆擢衍為靈臺郎與宋行古等九人製崇天曆進

司天監丞入翰林人文皇祐中同造司辰星漏曆

十三卷卒無子楚芝蘭襄城人初習三禮忽自言

有女亦善筭術楚芝蘭遇有道之士教以符天六

壬遁甲之術屬朝廷博求方伎詣闕自薦以占候

有據擢翰林天文授樂源主簿遷司天春官正判

司天監事占者言五福太一臨吳分當于蘇州建

太一祠芝蘭獨上言京師帝王之都百神所集且

今京城東南一舍地名蘇村若作此為五福太一

建官萬乘可以親謁有司便於祗事何必遠去江

外乎眾論不能奪遂從其議屢以許希開封人以

占侯有驗累遷至工部員外郎翰林醫學景祐元

年仁宗不豫侍醫數進藥不効

人心憂恐冀國大長公主薦希希診曰鍼心下包

絡之間可亟愈左右爭以為不可諸黃門祈以身

試試之無所害遂以鍼進而帝疾愈命為翰林醫

官賜緋衣銀魚及器幣官至殿中省尚藥

奉御卒所著有神應鍼經要訣行於世陳用志

陳用志

而奇恠過之

明周溥

字文淵其先浙江會稽人國初徙居汴城

高子明療之而愈溥遂從子明傳黃帝扁鵲之脈

書及諸秘方溥受之且錄且讀三年為人診視療

治多驗於是四方迎謁者絡繹不絕其贈貽粟帛

之外奇物異玩悉謝不受溥病時俗多守局方乃

發明素難及東垣丹溪之義為書一編名曰方法

考源又謂先哲詞義微奧初學之士莫能盡解復

著用藥歌括若干首至今汴之工醫者皆宗李信

不較也郡守括蒼金文雅重之嘗賦安幼堂詩以贈門懸金鍾為號至今汴人猶稱為金鐘李氏云子敬世其業

劉輝字文華祥符人幼喜醫受學於亦精于醫同郡李寬久之盡其術乃嘆曰神聖工巧非可以言辭求天運物理必待夫體察明著於是益博極素難諸書無寒暑晨夕之限遂以醫鳴於汴中而時王公貴人下逮閭巷士庶愈其疾而著奇驗者歲不可勝紀其貧者報之輒謝曰非吾願也輝又善交友始終不渝宗

張路號平威尤洽恩義年七十有司推為鄉社師

張路山祥符人工畫人物獨絕一時并李**王金**字芝山陝西空同文左國璣字稱三絕云

王金字芝山陝西七遇道人墮水救歸嚴事之已道人携入終南授以奇秘試輒驗時屬世廟好方伎金以白衣召見為言三元大丹稱旨與陶仲文邵元節並稱榮寵歷官太常出入禁闈二十年世廟賓天廷議金等進藥不謹論刑新鄭高文襄再疏申雪得減戍閩海後數年歸卒依文襄以居遂為鄭人李空同夢陽與交厚贈以芝山子辭云

歸德府

宋王懷隱

睢陽人初為道士居汴之建隆觀善診太平興國初詔歸俗命為尚藥奉御

二遷至翰林醫官使初太宗在藩邸時暇日多留意醫術藏名方千餘首皆嘗有驗者至是詔翰林醫官各具家傳經驗方以獻又萬餘首命懷隱與副使王祐等編類每部以隋太醫令巢元方病源侯論冠其首而方藥次之成百卷

太宗御製序名曰太平聖惠方

金張從正

字子和考城人精於醫貫穿難素之學其法宗劉守貞用藥多寒涼然起疾救死多取效典定中召補太醫居無何辭去乃與麻知幾輩日遊瀝水之上講明奧義辨析玄理遂以平日間見及嘗試效者輯為一書凡十四卷名曰儒門事親

明皇甫仲和

睢州人精於天文之學洪武中以薦至漠北不見敵上欲還師命仲和占之仲和對曰今日未申間敵當至曰勝負何如對曰王師始却

而終大振日中敵不至復召問仲和占對如初頃之謀報曰敵大至矣時初獲安南神鎗敵一人直前又二人繼之皆中鎗而死敵眾齊發上登高望之召總兵譚廣曰東南不少却乎廣率精兵直前砍其馬足敵稍却矣而疾風揚沙不相見敵引去上欲乘夜班師仲和曰不可明日敵必來輸欵俟從容返駕而歸昧旦敵果詣軍門謝曰不知乘輿在是上命賜以幣帛乃還

彰德府

晉黃泓 字始長魏郡斥丘人父沈善天文秘術泓政修明虛懷引納乃率宗族歸之龐待以賓禮引為參軍指說成敗事皆如言及訖嗣位遷左常侍領史官石虎攻訖將走遼東泓曰賊有敗氣不過二日必潰宜嚴為追擊之備訖曰今寇盛言敗何也泓曰勿疑及期石虎果退訖益奇之

南北朝趙輔和 臨漳人少以明易善筮為齊神武館客神武崩於晉陽塋有日矣文

襄令文宣與吳遵世等擇地頻卜不吉又至一所筮遇革咸云凶輔和少年最在眾後進云革卦於天下人皆因惟王家用之則大吉革彖辭云湯武革命應天順人文宣遽登車顧云以此地為定即義平陵也大寧武平日筮後宮誕男女及時日多中遂至通直常侍入周亦為儀同隋開皇中卒

衛輝府

唐尙獻甫 汲人善占侯武后召見擢太史令辭曰

渾儀監以獻再為令不隸秘書省數問災異又於上陽宮集術家撰方域等篇長安二年熒惑犯五諸侯獻甫自陳五諸侯太史位臣命納音金也火金之仇臣且死后曰朕為卿厭之遷水衡都尉謂曰水坐金卿無憂矣至秋果卒后嗟異之復以渾儀監為太史局云

懷慶府

南北朝解法選 河內人少明相術又受易於權會筮亦頗工陳郡袁叔德以太子庶

子出行博陵太守事不願之官以親老言于執政
 楊愔愔語云既非正除尋當遣代叔德意欲獨往
 留其家在京令法選占云不踰三年得代然亦終
 不還也勸其携家而行又為叔德相云公母悒當
 終為吏部尚書
 後皆如其言
張子信 河內人少以醫術知名大
 初又以大中大夫徵之聽其所志還山又善易筮
 及風角之術武衛奚永洛與子信對坐有鵲鳴於
 庭樹鬪而墮焉子信曰鵲言不善今夜有人喚必
 不得往雖勅亦以病辭子信去是夜瑯邪王五使
 切召永洛且云勅喚永洛欲起其妻苦留之
 稱墜馬腰折不堪動詰朝而難作求洛乃免
馬嗣
 明 河內人少博綜經方為人診候一年前知其生
 死邢邵子大寶患傷寒嗣明為其診脉退告楊
 愔云邢公子傷寒不療自瘥然脉候不出一年便
 死覺之少晚不可治也後數日楊邢並侍讌內殿
 文宣云邢子才兒我欲乞其隨近一郡楊以子年
 少未合剖符讌罷奏云馬嗣明稱大寶脉惡一年
 內恐死若其出郡醫藥難
 求遂寢大寶未暮而卒

河南府

周伶州鳩

周樂官景王二十三年將鑄無射而為
 之大林單穆公諫以為不可王問之州

鳩對曰聖人保樂以愛財財以備器樂以殖財故
 樂器重者從細輕者從大細大不踰曰平於是乎

道之以中德味之以中音德音不踰以啓神人神
 是以寧民是以聽若夫比之不度無益於教者非

臣之所聞也王嘉其言弗能用卒鑄大鐘明年鐘
 成伶人告和王問州鳩曰鐘果和矣對曰未可知

也臣聞上作器民備樂之則為和今匱財用罷民
 力臣不知其和也王曰爾耄矣何知州鳩乃退其

鐘竟**叔服** 周大夫襄王二十六年魯文公即位王
 不和使叔服如魯葬僖公公孫敖聞其能相

人也見其二子焉叔服曰穀也食子難也收
 子穀也豐下必有後於魯國後皆如其言

秦扁鵲

盧氏人姓秦名越人見秦武王武王示之
 病扁鵲請除左右曰君之病在膏之上盲

之下除之
 未必已也

漢劉根

穎川人隱居嵩山中諸好事者自遠而至就根學其術大守史所以根為妖乃收執

詣郡數之曰汝有何術而誣惑百姓若果可驗則生否則死根曰無他能頗能役鬼耳祈曰促召之

根于是左顧而嘯有頃祈之亡父祖及近親數十人皆而縛向根叩頭曰小兒輩無狀分當萬死顧

而叱祈曰汝為子孫不能有益先人而反累亡靈邪祈惶懼悲哀頓首流血請自甘罪根默不應忽

然俱去不知所在

三國杜夔

字公良河南人漢靈帝時為雅樂郎以疾歸後曹操薦為軍謀祭酒叅太樂事

因令創制雅樂夔素善鐘律聰思過人至是研精遠考備作樂器紹復先代古樂夔之力也入魏為

太樂令協律都尉嘗因鑄鐘與柴玉更相毀操令取所鑄鐘雜錯更試然後知夔為精而玉為妄也

其子弟河南張泰桑趙達河南人少從侍中單甫馥邵登俱至太樂丞受學用思精密嘗事孫

權治九宮一筭之法權嘗出師令其推步皆如其言權問其法達終不語由是見薄祿位不至焉初

有人難達術為妄達令人取小豆數升播之席上立處其數驗覆果信嘗過知故為之且食食畢謂

曰倉卒乏酒又無佳肴無以叙懽如何達因取盤中箸再三縱橫之笑而言曰君家東壁下有酒一

斛鹿脯三斤何以無辭主人慚謝曰以君善覆射故相試耳后達死孫權索書不得乃發棺視之亦

無所得故法術絕焉

晉孟欽

洛陽人有左慈劉根之術百姓惑而赴之苻堅召至長安惡其惑眾命苻融誅之俄

而欽至融留之遂大譙郡寮酒酣目左右收欽欽化而旋風飛出第外頃之有告在城東者融遣騎

追之垂及忽然已遠或有兵眾距戰或前有溪澗騎不得過遂不知所在堅未復見於青州苻朗尋

之入于海島

唐明崇儼

儼師人少從父令安喜吏有能召鬼神者崇儼盡得其術以奇技自名高宗召

見甚悅盛夏帝思雪崇儼端坐頃取以進自云往陰山取之四月帝憶瓜崇儼索百錢須臾以瓜進

曰得之緱氏老人圍中帝使人召老張文仲洛陽人少

與鄉人李虔縱京兆人韋慈藏並以醫術知名則

天初文仲為侍御醫時特進蘇良嗣方朝疾作仆

廷中文仲診曰憂憤而成若痛衝脅則難救已而

果然文仲尤善療風疾則天嘗令集當時名醫共

撰療風疾諸方詔王方慶監之文仲曰風有百三

十四種氣有八十四種病者春末夏初及秋暮月

可使通洩乃不困劇於是撰輕殷文亮洛州人為

重大小諸方十八首表上之好酒刻木為人衣以繪酌酒行觴皆有次第又作

好酒刻木為人衣以繪酌酒行觴皆有次第又作

妓女唱歌吹笙皆能應節飲不盡木小兒不肯把

杯飲未竟木妓女歌音連催莫測其神妙也

五代王處訥洛陽人少時遇老叟煮石如麪令食

留意星曆占候之學所言多驗漢乾

祐初為尚書博士入周累遷司天監

金李慶嗣洛陽人少舉進士不第棄而學醫讀素

問諸書洞曉其義大德間歲大疫廣平

尤甚貧者往往闔門卧病慶嗣携藥與米分遺之

南陽府

生死

明何宜健

洛陽人舉人阜城知縣以病歸遂究心岐黃之術其效如神凡診視無不立判

類四卷活人書二卷傷寒論三卷針經一卷傳於世

漢張機

字仲景涅陽人學醫術與同郡張伯祖盡得其傳靈帝時舉孝廉官至長沙太守嘗

見侍中王仲宣曰君年至四十當有疾鬚眉脫落

脫落後半年必死宜豫服五石湯庶可免也仲宣

時年二十餘聞而惡之雖受方不飲居數日復見

機佯曰五石湯已飲之矣機曰觀君氣色非飲藥者何輕命欺人如此邪後二十年仲宣果如所言而死機著傷寒論十卷蓋推本素問之旨華陀讀而善之曰此真活人書也機又著金匱玉函要畧方三卷併傳于世

汝寧府

漢許楊

字偉君平輿人少好術數先為滎泉者尉

舊有鴻郟陂成帝時丞相翟方進奏毀之建武中太守鄧晨欲修復其功聞楊曉水塍因署為都水掾使典其事楊因高下形勢起塘四百餘里數年乃竣百姓得其便累歲大稔豪右大姓有不便因譖於晨收楊下獄械輒自解晨驚放歸值天陰晦道中若有火光相照時人異焉後病卒晨於都宮為起廟圖畫形像百

郭憲

字子橫汝南人明陰陽

為郎中賜以衣服憲受而焚之葬深忿憲乃逃于東海之濱及光武即位詔求天下有道之士憲拜博士建武七年代張堪為光祿勳於是從駕南郊憲在位忽回向東北舍酒三噍執法奏為不敬詔問其故憲對曰齊國失火故以此厭之後齊果有火災與郊日時皆同遇大雨而熄雨有酒香

高獲

字敬公新息人太守鮑昱請以相見獲將至門昱令主簿就迎主簿曰但使騎吏迎之獲

聞之即去昱速遣人追請獲顧曰府君但為主簿所欺不足與談遂不留時郡竟大旱獲素善天文曉遁甲能役使鬼神昱自往問何以致雨獲曰急罷三部督郵明府當自北門出到三十里亭雨可致也昱從之至亭未移許曼汝南平輿人祖父峻時果大雨滂沱數百里善卜占之術自云少嘗篤病三年不愈乃謁太山請命行遇道士張巨君授以方術所著易林至今行於世曼少傳峻學桓帝時隴西太守馮緄始拜郡開綬笥有兩赤蛇分南北走緄令曼筮之卦成曼曰三歲之後君當為邊將東北行三千里復五年更為大將軍南征延喜五年緄出為遼東太守討鮮卑至五年復拜車騎將軍擊武陵蠻賊皆如古其餘多此類云

晉隗炤

汝陰人善於易臨終書版授其妻曰吾亡後當大荒窮雖爾慎莫賣宅也後當有詔

使來頓此亭姓龔此人負吾金即以此版往責之炤亡後其家大困乏欲賣宅憶夫言輒止期日有龔使者止亭中妻遂齋版往責之使者執版惘然不知所所以良久乃悟取著筮之卦成撫掌而嘆因

告炤妻曰賢夫自有金耳知亡後當斃窮故藏金以待太平所以不告者恐金盡而困無已也知吾善易故書版以寄意耳金有五百斤盛以青瓮覆以銅梓埋在堂東去壁一丈入地九尺妻還掘之皆如卜焉

郭磨 西平人少明易苻堅未當陽門震刺史梁熙問磨曰其祥安在磨曰當有外國

二王來朝一當反國一死此城歲餘而鄯善及前部王朝于苻堅西歸鄯善王死於古臧呂光之王河西也西海太守王禎叛磨勸光襲之光之左丞呂寶曰千里襲人自昔所難磨曰若其不捷磨自伏鈇鉞之誅如其克也左丞為無謀矣光從之果克

隋董展

字伯仁汝南人以才藝稱鄉里號為智囊官至光祿大夫殿中將軍尤長于畫雖無

祖述不愧前賢夙德名流見者失色與展子虔齊名曾作道德經變相為時所稱人

汝州

唐孟詵

汝州梁人舉進士垂拱初為鳳閣舍人詵少好方術嘗於侍郎劉禕之家見所賜金

謂禕之曰此藥金也火其上當有五色氣試之果然神龍初致仕歸伊陽之山以藥餌為事睿宗立召至京師欲授官固辭衰老景雲三年詔有司每歲春秋給羊酒糜粥開元初河南尹畢構以詵有古人風改其所居為子平里尋卒所著有補養方必効方各三卷俱傳於世

河南通志卷之第三十四

終

